

جريدہ عدلیہ

۱۲ محرم ۱۳۳۰ صالی ۲۰ کانون اول ۱۳۲۷

نومرو ۵۰

ایک جی سنہ

قسط ۲۷

نوبہرات عدلیہ

منحل اولان دبرہ سنجانگی بدایت محکمہ سی جزا دائرہ سی ریاستہ کوماجنہ سنجانگی بدایت محکمہ سی مدعی عمومی معاونی حسن لطفی، آنک یرینہ قیصری سنجانگی بدایت محکمہ سی مدعی عمومی معاونی اولوب تحویل طلبندہ بولنان عبدالحمید، آنک یرینہ سیودرک سنجانگی بدایت محکمہ سی مدعی عمومی معاونی اولوب کذاک تحویل طلبندہ اولان یوسف ضیا، آنک یرینہ منتفک سنجانگی بدایت محکمہ سی مدعی عمومی معاون سابق خضر لطفی، منتشا سنجانگی بدایت محکمہ سی مدعی عمومی معاونی علی حیدر بکک مستغنی عدینہ مبنی یرینہ علائیہ قضاسی بدایت محکمہ سی رئیس عصمت آنک یرینہ ناسلیج قضاسی بدایت محکمہ سی جزا دائرہ سی رئیس اولوب تحویل طلبندہ بولنان محمد سالم، آنک یرینہ اولونیه قضاسی بدایت محکمہ سی مدعی عمومی معاونی علی نقی، حیفہ قضاسی بدایت محکمہ سی رئیس محمد نوری افندینک مستغنی عد اولنسی سینیله یرینہ صیدا قضاسی بدایت محکمہ سی مدعی عمومی معاونی عبداه آنک یرینہ مکتب حقوق عثمانی علی الاعلی درجه مآذونلرندن محمد سعید صیدا قضاسی بدایت محکمہ سی رئیس صلاح الدین بکک وقوع استعفا سنہ بناء یرینہ صور قضاسی

بدایت محکمه سی مدعی عمومی معاونی بشیر، بعلبک قضای بدایت محکمه سی مدعی عمومی معاونی علی کمال افندیك سويده قضای بدایت محکمه سی ریاسته وقوع تحویلیدن ناشی یرینه حیفا قضای بدایت محکمه سی مدعی عمومی معاونی محمد صبری، آنک یرینه مکتب حقوق عثمانی علی الاعلی درجه مآذونلرندن محمد کامل افندیلر نقل وتعیین اولمشلر واسباب قانونیه بناء تحت مخاکمیه آلنان قارپوط بدایت محکمه سی رئیس عبدالرحمن افندیك اوراده دوام مأموریتنه مانع کوریلان احوالی حسبیله عزل ایدلمشدر .

اسکدار بدایت محکمه سی اجرا مأموری کاظم افندیك وقوع وفاتنه مبنی یرینه تجارت بحریه محکمه سی باش کاتبی حسام الدین افندی، آیدین ولایتی محکمه استینافیه سی اعضاسندن رفیق بکک تقاعدینه مبنی یرینه محکمه مذکوره مدعی عمومی معاونی توفیق فکرت بک، منحل اولان قره حصار شرقی سنجانی بدایت محکمه سی مدعی عمومی معاونلکینه حوران سنجانی بدایت محکمه سی مدعی عمومی معاونلکیندن مستعفی بشیر مجدی، رازان قضای بدایت محکمه سی جزا دائره سی رئیس نیازی افندیك محل مأموریتنه عزیمت ایتماسندن طولای مستعفی عدیله یرینه قوجانه قضای بدایت محکمه سی جزا دائره سی رئیس اولوب تحویل طلبنده بولنان عازف حکمت، آنک یرینه مکتب حقوق عثمانی علی الاعلی درجه مآذونلرندن درسمعات ایکنجی تجارت محکمه سی موظف ملازمکننده مستخدم عبدالفیاض، اینه بولی قضاسنه مربوط کره نحاس ناحیه سنک وسعت واهمیتنه ونفوسنک کثرتله برابر مرکز ولایتله اینه بولی بهرایی طرفدن اونبر ساعتک بعدده بولمنسه بناء ناحیه مذکوره بر بدایت محکمه سی تشکیلی بالتصویب ریاسته قسطنطنی ولایتی استیناف محکمه سی اعضا ملازمی اولوب شایان ترفیع کوریلان محی الدین، آنک یرینه بصره ولایتی مرکز بدایت محکمه سی اعضالغندن مستعفی علی ارسلان، منحل اولان قارپوط قضای بدایت محکمه سی ریاسته مکتب حقوق عثمانی علی الاعلی درجه ده مآذونلرندن احمد فخرالدین، مناسرت استیناف محکمه سی اعضا ملازملرندن اسماعیل افندیك مقدما مستعفی عدی حسبیله یرینه سالانیک مکتب حقوقندن علی الاعلی درجه ده مآذون داود فخری، سه یروز سنجانی بدایت محکمه سی اعضاسندن قهرمان افندیك وقوع استیفا سنه یرینه دبره سنجانی بدایت محکمه سی اعضاسندن اولوب تحویل طلبنده بولنان شکری، آنک یرینه مکتب حقوق عثمانی علی الاعلی درجه مآذونلرندن حیدر فائق، منحل اولان یوزغاد استیناف محکمه سی اعضا ملازمکننده مکتب حقوق عثمانی اعلا درجه مآذونلرندن مصطفی حلمی، مجدداً تشکیل اولنان لازیه سنجانی بدایت محکمه سی اعضالغنه اسکندرون قضای بدایت محکمه سی باش کاتبی اوخانس، فیلات قضای بدایت محکمه سی مدعی عمومی معاونی جمیل افندیك مقدما وقوع استعفا سنه مبنی یرینه مکتب حقوق عثمانی علی الاعلی درجه مآذونلرندن محمد سنیح، منحل بولنان آلونیه قضای بدایت محکمه سی مدعی عمومی معاونلکینه کدلاک مکتب حقوق عثمانی علی الاعلی درجه مآذونلرندن احمد کمال الدین، منحل بولنان غرامش بدایت محکمه سی مدعی عمومی معاونلکینه مکتب حقوق عثمانی اعلا درجه مآذونلرندن جلال، مجدداً تشکیل ایدیلن قغال قضای بدایت محکمه سی مدعی عمومی

معاونلکینه مکتب حقوق عثمانی علی درجه مآذونلرندن اسماعیل حق، ارکری سنجانی بدایت محکمه سی اعضاسندن عون افندیك قبل العزیمه استعفا سی جیهله یرینه مکتب حقوق عثمانی علی الاعلی درجه مآذونلرندن حسین فوزی افندیلر نقل وتعیین اولمشلردر .

اشبو اراده سنیه ک اجرا سنه عدلیه نظارتی مأمورد . ۲۵ ذی الحجه سنه ۱۳۲۹ کانون اول سنه ۳۲۷

عدلیه نظاری

صدر اعظم

ممدوح

نصیه و تحویل

قوزان سنجانی بدایت محکمه سی باش کتابتنه حاجین قضای بدایت محکمه سی برنجی کاتبی زکریا، آنک یرینه فکک قضای بدایت محکمه سی برنجی کاتبی حارس، آنک یرینه ده قارص قضای مستنطق کاتبی صبری افندیلر تعیین اولمشلدر .

میدیات قضای بدایت محکمه سی باش کاتبی یعقوب افندیك نصیبین قضای بدایت محکمه سی باش کاتبی شا کر افندی ایله بجایشلری اجرا اولمشلدر .

تبلغات عمریه

عدلیه نظارت جلیله سندن تسطیر بیوریلان ۵ کانون اول سنه ۳۲۷ تاریخی تحریرات عمومی صور تیدیز:

« یکر می یاشندن سوکره ملازمتله کچن سنه لک مدت خدمتده داخل حساب ایدیلی

خصوصنک یالکز کتبه یا منحصر اولدیقه داثر »

تنسیق قانوننک آلتنجی ماده سنده خدمت دولته مبدأ یکر می یاش اوله جنی و کتبه نک سن مذکور دن سوکره ملازمتله کچر دکاری سنه لک مدت خدمتده حساب ادخال اوله جنی محرر اولمنسه بناء قادر و خارجنه چیقاریلان کتبه نک مدت خدمتلی بوسورتله حساب ایدلمکده اولوب آنجق اوله ملازمتله مستخدم اولدقلری حالده صنف حکامه نقل ایدلمش اولان مأمورین عدلیه نک یکر می یاشنه و کتبه صنفلرینه دخوللرندن اعتباراً توظیفلرینه قدر کچن ملازمت مدتک دنخ داخل حساب ایدلمسی ادعا وسالف الذکر ماده نک حکمی ایسه یالکز کتبه به منحصر کوریلهرک مدعیات واقعه نک قبولنجه تردد ایدلمکده بولمنسه نظر آ ماده مذکوره

حکمتک یکریمی یاشندن سوکره کتبه صنفنده بولنش اولان حکام و مأمورین عدلیه یه شمولی اولوب اولمادیفی حقنده تقدیم قلنان تذکره اوزرینه بالحواله شورای دولت تنظیمات داره سندن اعطا اولان مضبوطه دیکریمی یاشندن سوکره ملازمتله کچن سنه لک مدت خدمتده داخل حساب ایدلمسی خصوصتک کتبه یه انحصاری ماده مذکوره ده مصرح اولمسنه نظراً بو خصوصتک و قتیله کتبه صنفنده بولنش اولان حکامه و مأمورین عدلیه یه عدم شمولی طبیعی بولندیفی انبا اولنه رق دوازه او بولده تبلیغات ایفا قلندیفی باند کره سامیه تبلیغ اولمغله بیان کیفیت اولنور.

جنایت محکمی ضبطنامی

محکمه جنایتدن صادر اولان ۱۱ نisan سنه ۳۲۷ تاریخلی و ۲۷ نومرولی اعلام صورتیدر :

تواریخ مختلفه ده محال متعدده دن آلت مخصوصه استعمالی و جرح ایقاعی ایله سرقته جرأت ویتافاق ماده لرندن طولانی متهم بولنان کسان حقلرنده مقدما اجرا قلنان محاکمه نتیجه سنده بولنردن ایوم موقوف بولنان و کاغذخانه قریه سنده جامع شریف قرینده نومروسر خانه ده متصرفاً اقامتله بازیدده قهوه جی حاجی اغانک یاننده چراقلق ایدن و امی و مجرد اولدیغی سویلیان یکریمی ایکی یاشنده آستانه لی جمال نام دیگر جمیل بن علی ایله مولویخانه قیوسنده معمارعجم محله سنده یکریمی ایکی نومرولی خانه ده متصرفاً اقامتله غلطه ده یوکسک قالدیرمنده قهوه جیایق ایدر و اقور بازار و مجرد اولوب پولیسلکدن مطرود بولنان او تودرت یاشنده آستانه لی مظهر بن لطیف و حال فرارده اولوب اقامتگاه و اوصاف و اشکالی غیر مضبوط بولنان پارس نام دیگر کرد مصطفانک اوچیوز یکریمی درت سنه سی ایلولنک او توننجی صالی کیجه ی ساعت برحق راده لرنده ایوم استیناف حقوق ریاستنده بولنان کاظم بکک شهزاده باشنده قلندر خانه محله سنده کاش خانه سنه مسلحاً بالدخول اشیا سرقت ایتدکاری ثابت اولدیغندن اولوجهله مجرمیتلرینه و قانون جزانک ایکیوز یکریمی برنجی ماده سنه توفیقاً مرقوموندن جمال نام دیگر جمیل ایله مظهرک دیگر برسرقت فعلندن طولانی ۱۴ تموز سنه ۳۲۵ تاریخنده ایکیشر سنه حبس جزاسنه محکوم بولندقلرندن مذکور جزانک شیمدیکی جزالرینه بالقلب یدیشر سنه مدتلرله کورکه قوللرینه مرقومون جمال نام دیگر جمیل و مظهر و مصطفانک متهم بولندقلری دیگر سرقت افعالنندن و بولنرک رفقای تهمنلری اولوب اوصاف و اقامتگاهلری اعلام منقوضده محرر بولنان حسین و حاجی آغا و حاجی حسن و حکمت ایله فراری رجبتک دخی سرقت ویتافاق ماده لرندن برائتلینه دائر مقدما صادر اولان ۱۳ آغستوس سنه ۳۲۵ تاریخلی و ۳۸ نومرولی اعلام جنائی محکمه تمیز جزا داره سندن حکم جنائی و جاهیدن طولانی نقض ایله اعاده اولمسی اوزرینه تکرار اجرا قلنان محاکمه نتیجه سنده حکم سابقده اصرار اولمسنه دائر صدور ایدن ۱۴ خزیران سنه ۳۲۶ تاریخلی و ۸۴ نومرولی اعلام محکمه تمیز هیئت عمومیه سنک ۲۶ کانون

اول سنه ۲۲۶ تاریخلی و ۵۵۲۷ عددلی اعلامی موجبجه ینه نقض و اعاده اولمقدن ناشی تشکیلی طرفین ایله نقض واقعک تدقیقی ضمنتده اوچیوز یکریمی الی سنه سی کانون ثانیک اون اوچنجی کونی تعیین قلنمشیدی . یوم مذکوره مرقومان جمال نام دیگر جمیل و مظهر علی الاصول حبسخانه عمومیدن کتوردیلرک و مدافعه وکیللری خیری و اورام نعم افندیلرک عدم ورودلرینه مبنی مرقومانک قبول و موافقتلری ایله وکیل تعیین قلنان و اوراق دعوائی محکمه قلمنده مطالعه ایله مدافعه یه مهیا اولدیغی سویلیان محکمه سالوننه چیقیلررق اجرای محاکمه علیه به مباشرت و کیفیت نقض متهمان مرقومانه تفهیم و انبا وکیل مومی الیه اخطارات لازمه قانونیه ایفا اولندقدن صکره تمیز اعلامی ایله اعلام منقوض ضبط کاتبی شفیق افندی طرفندن قرائت اولندی . تمیز اعلامنده محکمه جنایتک اصرار قرارنده استناد ایتدیکی اوچیوز آلتجی ماده قانونیه دن مقصد تفهیم حکمی متعاقب اصول محاکمه به مقتضی معاملاتک ایفا ایدلیدیکی تصدیقاً یازیلرحق شرحک رئیس محکمه ایله ضبط کاتبی طرفندن امضا ایدلمسندن عبارت اولدیغی و بر محاکمک مبادیسندن منتهاسنه قدر اتخاذ اولنه حق مقررانک هیئت حاکمه نک امضاسیله مصدق اولسی اعتباریله اولابده کی ضبطنامه یه استناداً و بریلان اعلام مندرجاتنه محقق نظریله باقیلوب یوقسه مقررات واقعه نک هیئت حاکمه دن بعضیسنک امضاسندن عاری بولمسی عندالتیمز واقع اوله حق اعتراضاتی رد و جرحه کفایت ایدمه چیکی کی شو حال اتخاذ اولونان قراره مخالف بولنلرک شرح مخالفتلرینک تحریریه زیرینک امضا ایدلمسی لزوم قانونیه سنده مخالف دوشه چیکی جهتله ماده مذکوره یه یا کاش حق ویرلک صورتیه اصرار قراری اعطاسی یولسز و مخالف قانون بولنش اولمسنه مبنی معاملات متعاقبه یی تدقیقه محل قالدیغندن اعلام اخیر مذکورک دخی اصول محاکمات جزایه قانوننک اوچیوز اون دردنجی ماده سنه توفیقاً تفضیله اوراقنک اعاده سنه و ایکیوز غروش اعلام خرچنک ایلروده حقسر چیقه حق طرفندن تحصیلنه قرار ویرلش اولدیغی محرردر .

طرفینک بو باده کی مطالعه سی استفسار اولندقدن معاون مومی الیه هیئت عمومیه نک قراری قانوناً ضروری الاتباع بولندیغندن نقض واقعه اتباع ایدلمسی طاب وکیل مومی الیه ایله متهملرده طلب مذکور اشتراک ایدر اولدقلری انبا ایلرله بو باده محاکمه نک ختام بولدیغی بالتفهیم ایجاب کیفیت مذاکره اولندقدن هیئت عمومیه نک قراری قانوناً واجب الاتباع بولندیغندن نقض واقعه بالاتباع حکم جنائی و جاهیدن طولانی مرقومان جمال نام دیگر جمیل و مظهر حقلرنده یکیدن محاکمه اجراسنه متفقاً قرار ویرلرک طرفینه تفهیم اولندی . اخیراً اجرای محاکمه ایچون تعیین اولنان سنه مرقومه شهر شباطنک سکزننجی کونی متهمان مرقومان جمال نام دیگر جمیل و مظهر حبسخانه عمومیدن کتوردیلرک و عطف جرم بولدیغی آ کلاشیلدیغندن وکیل مومی الیه حیدر رفعت بک متهملردن جمال نام دیگر جمیل و اوراق دعوائی محکمه قلمنده مطالعه ایله مدافعه یه مهیا اولدیغی سویلیان محکمه نزدنده مستخدم دعوی کیلارندن آپوستول افندی کندوسنک قبول و موافقتیه مظهر وکیل مدافع بالتعین مومی الیه حیدر رفعت بکله آپوستول افندی و اوراق دعوائی مطالعه استیناف مدعی عمومیلکه معاونلرندن حامد بک موقع مخصوصلرنده حاضر اولدقلری حالده محاکمه سالوننه چیقیلررق کمسنه نک

ادعای شخصیده بولندایفک آ کلاسی اوزرینه اجرای محاکمه علیه مباشرت و جانب ریاستدن متممک هویقی لدی التدقیق برنجی قسم محاکمه ضبطنامه سنده محرر اولدینی وجهله تعین ایتدکدن و متمملره وکلای مومی الهمادن اوستول افندی به دخی اخطارات لازمه قانونیه ایضا اولندقدنصکرده هیئت اتهامیه مضبطه سیله اتهامنامه ضبط کاتی شفیق افندی طرفندن قرائت اولندی .

مذکور مضبطه ده مظنون علیهمدن جمال نام دیگر جمیل ومظهر ومصطفی وحسینک مختلف محالردن آلت مخصوصه استعمالی و تشهیر سلاح و جرح جرمی ابقای ایله فعل سرقت مجاسرت ایتش و حاجی آغا و حاجی حسن و حکمتک دخی بونلره یتاقلق ایتکده بولنش اولملردن طولانی اتهاملرینه اوراق تحقیقه ده محرر اخبارات و سائر دلائل و امارات کافی کورلمش و سارقلرک حرکتی قاتون جزانک ایکوزاون سکرنجی ماده سنک فقره اخیره سنه و یتاقلق ایلانلرک حرکتی دخی ایکوز اوتوزنجی ماده سی علاوه سنک فقره اولاسنه مطابق افعال جنایه دن بولنش اولدیغندن در سعادت جنایت محکمه سنده محاکمه لری اجرا قلمق اوزره مرقومونک اولوجهله جنایته اتهاملرینه قرار ویرلدیکی محرر و اتهامنامه ده دخی مرقومونک جنایات مذکورنک فاعلری اولقله اتهام ایدلکاری مسطر دره .

اتهامنامه نک خلاصه سی جانب ریاستدن مرقومان جمال نام دیگر جمیل ومظهره تفهیم وتوضیح ومعاون مومی الیه طرفندن دخی دعوانک تشریح اولمنی مقب مرقومان بکان بکان انطاق اولندقلرنده بونلردن جمال نام دیگر جمیل کچن اوچوز یکرمی درت سنه سنک رمضانده بر کیجه دیرکار آره سنه مرقوم مظهر ایله برلشوب مرقومک اصهار لادینی بر طاق کوکسی یدکدن صکره آیرلدقلرینی ولله مذکورده ساعت بر بچق ایکی راده لرنده دیرکار آره سنده کز مکده ایکن بر لوحه یی سیر ایتکده اولدینی صرده اهالی قوشمشغله کندوسی دخی کیده رک بر قرا کلق بره قدر واصل اولدقلرنده ایکی اوچ کردک اوزرنده موم دامله لری بولندیغندن بختله کندوسی سارق دیو در دستله قره غولخانه یه تسلیم ایدلکاری ونهایت حکمت دنیلان آدمک اسناد ایله بوخاله کتورلدکاری و یوخسه کندوسی هیچ برخانه یه کیرمدیکی و حین در دستنده اوزرنده برشی ظهور ایتدیککی ولدی السؤل مظهری طانیدینی سرد ایله دیگر مهم مظهر دخی مذکور رمضان شریفده دیرکار آره سنده تیارولردن بریسنده او یون سیرینه کیره چکی صرده مرقوم جمال نام دیگر جمیل بولوب مرقومه بر محلی اصهار لادینی و محلی بی یدکدن صکره مرقوم جمال نام دیگر جمیل کیدوب کندوسی اوراده قالمغله اوتورمقده ایکن حر سز وار دیو حادث اولان بر کورلنی به کندوسیده کیدیکنده اوصرده انداخت اولونان سلاحلردن آیاغندن مجروح اولدینی و حکمت نامنده بریسنک بسلدیکی نفسانیت ساقه سیله درت کون صکره در دست ایتدیرلدیکی و مرقوم حکمتی مقدما کو پریده آرابه ایله کچدیککی کور دیککی و یکی جامعده کی عرفحالیلردن بریسنه اشیا مسروقه کتور دیککی ایسته دیککی سولش ایدو کندن مرقومده کندوسی ایوم

محکمه ده در دست رؤیت بولنان دبره لی کاظمک ایشنده دخی بولاشدیردق بو باده مقدما ایکی سنه یه محکوم اولدینی و کندوسی شهزاده باشنده هیچ برخانه یه کیرمدیکی بیان ایلدی .

علی هذا تحقیقات اولیه یی حاوی اوراق دخی اوقوتدیرلدقده بونلردن ۲۹ ایلول سنه ۳۲۴ تاریخلی ضبط ورقه سنده اوچوز یکرمی درت سنه سی ایلونک اوتوزنجی صالی کیجه سی ساعت بر بچق قرارلرنده شهزاده باشنده قلندر خانه محله سنده کائن سابق مکتب حقرق مدیری کاظم بکک تهی خانه سنه سارق دخول ایلدیکی اوشاغی احمد طرفندن دیرکار اده سی نقطه سنه مأمور قومیسر بوسنه لی صالح افندی به اخبار اولمنی اوزرینه مومی الیه همان محل مذکورده بالعزیمه محله اهالیسنک انضمام ایدن معاونتیه مذکور خانه یه دخولنده ایکی شخص مجهولک اوست قات اوطه ده موجود بولندقلریتی کورمسی اوزرینه در دستلرینه قیام ایلش ایسه ده مرقومانک حامل اولدقلری روولورری بالتشهیر کلیمز دیرکک برایکی ال انداخت ومومی الیه صالح افندی دخی بالمقابله سلاخی استعمال ایتسندن لامبه سوندرک قرا کلقدن بالاستفاده زقاغه فرلادقلری و اوصرده زقاق قپوسی اوکنده موجود اولوب اوصاف واسامیسی اوراق تحقیقه ده محرر بولنان برنجی دائرة بلدیه طلومبه سی افرادی طرفندن اشرا مشهورده دن جمالك آرقه سی بالتعقیب قلندر زقاغه نعلبند دکانی جوارنده در دست اولنهرق و اوزرنده کی کبیر مالطیز بیجانی دخی آلنهرق مرکز کتورلدیکی و بوباده اجرا قلنان تحقیق آده سارق مرقومانک مومی الیه کاظم بکک خانه سنه اوشاغک زقاغه چیقمسندن بالاستفاده قپوی بر آلت مخصوصه ایله آچهرق دخول و اوست قات صندوق اوطه سنده کی یدی عدد صندوقی شکست ایدرکک و اشیا یی قاریشدیردق ایکی بوغچه ده ذی قیمت اشیا تفریق ایلدکلرینک و بالاخره اوشاق احمدک سارقلی آکلامسی اوزرینه مأمور مومی الیه اخبار کیفیتله خانه یه بالدخول انشای در دستلرنده مأمورینی اورمق قصیده اوچ ال روولور انداخت ایتدکاری کی قومیسر مومی الیه طرفندن دخی مدافعه نفس یولنده ایکی ال سلاح استعمال اولدینی صرده لامبه سوندیکندن فراره تشبث و مرقوم جمالك اولوجهله در دست اولنهرق رفیقنک فراره موفق اولدیغنک آ کلاشلدینی و مرقوم جمالك افاده سنه مراجعت اولندقده فعل مذکورده جراتی منکر بولنش ایسه ده مجاسرت واقعه لرینک شهودک اخبار ایلله موقع ثبوت واصل اولدینی و اوزرینک تحریسنده زنه یه مخصوص مع قوردون بر آلتون ساعت ایله کوشدن معمول صواتلی بیوک برتوتون طبقه سی و بر بیوک مالطیز بیجانی و بر دفتر ظهور ایلدیکی و بر یانیق موم ایله برفس و اوچ عدد مرمی و بری دملی اولمق اوزره اوچ عدد ایپکلی مندی و بوزرنکده چیزکی و بالطوی محل جریده بر اقدقلری و رفیقنک غلبه لکدن بالاستفاده صاوشمش ایسه ده هویتنک در دست تدقیق بولندینی و عین تاریخی کشف ورقه سنده مومی الیه کاظم بکک خانه سی کشف اولندقده جمله قپوسنده بر اثر تضییق بولندیغندن و خانه نک اطرافنی مرتفع دیوارلرله محاط اولدیغندن سارقک قپوی یا آلت مخصوصه ایله آچش اولمی و یا خود بکچی احمدک اثر غفالتله آچیق بر اقدینی قپودن کیرمسی محتمل بولندینی و مذکور خانه اوچ قاتدن عبارت اولوب اک اوست قاتده کی اوطه قپوسی

و صندوقی بیدار شدی شکست اوله رقی دروننده کی اشیاک کافه سنک قارمه قاریشقی بر حاله کورلدیکی و در دستلرینه کیدن قومیسر صالح افندی به انداخت ایدیان ایکی ال سسلاحدن چیقوب دیواره اصابت ایدن ایکی عدد قورشونک یرده بولندی و صالح افندیک بالمقابله آتش اولدینی ایکی ال سلاح قورشونلری بولنه ماش ایهده قارشوسنده کی دیواره اصابت ایلدکریک کوریلان علامدن آکلاشدینی و ۴ تشرین اول سنه ۳۲۴ تاریخی معاینه راپورنده مظهر حبسخانه عمومی خسته خانه سنده معاینه اولدقده صول آغانک طوبوق مفضلک وجه داخلنده بر آلت ناریه دن انداخت اولتان مرمی ایله حاصل برساتیمترو قطرنده برقیحه دخویه بولندیکنک واشبو مرمینک تحت العضله سیر ایله بش ساتیمترو مسافه دن خروج ایلدیکنک کورلدیکی اشعار و استانبول پولیس مجلسنک ۵ تشرین اول سنه ۳۲۴ تاریخی فذلکده دخی بوباده تحقیقات اجرا اولدقده ایکن دیگر بر سرقت شبهه سیله دائر هیه کوندلش اولان موشلی رضا بن محمدک بو سارق قومپانیه سی حقنده معلومات تامه سی اولدینی بیسان اتمی اوزرینه ایدیان استجوابنده مقدما ایرانی حاجی آغانک یاننده و در دست اولتان جمال نام دیگر جمیل و رفیقی مصطفی و مظهرک مرقوم حاجی آغانک دکاننده یانوب قالمقده و اوته دن برون سرقت ایلدکری اشیا بی حاجی آغانک دکانه کتیروب اخفا ایتدکده و بات بازارنده صائمقده و حاجی آغانک ده کند لرینه یتانلق ایتدکده و پای آلمقده اولدینی و سرقت قصدیه کاظم بکک خانه سنه کوروب حتی مأمورلره دخی سلاح استعمال ایلدکری بو و قعه دن بر ایکی کیجه اولده شهزاده باشنده یعنی ایلولک اون طقوزنجی کیجه سی بازیده یعقوب آغا محله سنده رسومات باش کاتی و مشاور معاونی ناظم بکک خانه سنه دخول ایدن سارقلردن خبردار اولان بکچی بیرامک وظیفه سنه شتاب ایتدیک صروده لیلأ جرح ایدیلن بکچی بی ده مرقومونک جرح ایلدکری سوبلدیکی و مرقوم جمال نام دیگر جمیل استجواب اولدقده مذکور سرقت و بکچی جرح ماده لرندن قطعاً معلوماتی اولدینی و وقعه کیجه سی کندوسی دیرکر آره سنده کز مکده ایکن اهالی طرفندن طونک خرسز فرار ایدیور دیو باغرا لیدندن کندوسی ده کیدوب باقدیغنده طانیادی بی بعض انحصار طرفندن سلاح آلمقده ایکن ایشته فرار ایدن سارق بودر دیرک کندوسیده در دست ایلدیکنی و اوزرنده ظهور ایدن یانیق مومی دکانده استعمال ایتدیکنی و سیم طبقه و آلتون ساعتی ده طوپخانه ده لوناریه جی یکچشم ایرانی یحی نام شخصدن بیانقو کشیده ایتک صورتیه آلدینی افاده ایلدیکنی و مرقوم جمال نام دیگر جمیلک رفقا سندن اولوب وادی فرارده بولنن مظهر و مصطفانک درستی ایچون مأمور تعیین ایدیلرک اجرای تحریات ایلدکده ایکن چارشو قپوسنده قهوجی حکمت بالمر اجه مرقومونک دائماً سرقتله مالوف اولوب غلطیه توتون قچاقیلانی ایدن صاری یور کیده بولنره رفاقت ایتدیکنی بیسان اتمی اوزرینه مرقوم یورکی جلب ایدلش و مظهر دخی تعیین ایدیان مأمورلر طرفندن صول آغاندن مجروح اولدینی حاله در دست ایدیلرک دائر هیه کتورلش اولدقاری و مرقوم مظهر دخی استجواب اولدقده اول

مرقوم جمال و نام دیگر جمیل و مصطفی و صاری یورکی بی طانیایوب سرقندن و بکچینک جرمی کیفیتدن معلوماتی اولمادیغنی و دیرکر آره سنده کز مکده ایکن سارقله آتیلان سسلاحدن جرح اولدینی افاده ایتسیله مؤخر ایدیلان نصایحه قارشو تحویل کلام ایدیلرک دیرکر آره سنده کز مکده ایکن مرقوم جمال نام دیگر جمیله تصادفه بر خانه سرقت قصدیه دخول ایده جکنی و کندوسنکده سوقاقده کوزجی قالمسینی سوبل سندن مرقومک سوزینه اغفال اولنهرق اسمی بیلمادیکی بر سسنگ خانه سی اوکنه کیتدکرنده مرقوم جمال نام دیگر جمیلک خانه درونه بالدخول کندوسنکده زقاقده کوزجی قالدینی و او صروده اهالی و مأمورین طرفندن اوزرلرینه هجوم ایلدیکنن جمالک فرار ایتدیکنی و کندوسنکده آتیلان سسلاحلردن جرح ایلدیکنی و کیمک طرفندن جرح ایلدیکنی بیله میوب قراکقدن بالاسنه استفاده اورادن صاوشیدینی بیسان ایلدیکنی و مرقوموندن ایرانی حاجی آغانک سرقت کیفیتدن خبری اولمادیغنی کبی بولنری طانیادیغنی و بتاقلقده بولمادیغنی اتیان و صاری یورکی دخی کندوسنک بو سرقت ماده سندن خبری اولیوب آنجق وقعه دن بر یحقی ساعت اول یعنی اون ایکی راده لرنده چارشو قپوسنده حکمتک قهوه خانه سنده اوتورمقده ایکن مرقومون جمال نام دیگر جمیل و مظهر و مصطفانک بر لکده اوراده اوتورمقده اولدقاری و بولنردن جمال و مظهرک مسلح بولندقاری کوردیکنی و بولنرک دائماً سرقتله آلوده طاقدن اولدقاری در میان ایلدکری و مرقوموندن ایرانی حاجی آغا و صاری یورکی و جمال نام دیگر جمیل منکر بولنقده ایه لرده بولنردن ایرانی حاجی آغانک مرقومونی طانیادیغنی افاده ایلدیکنی حاله مرقوموندن سارق مظهرک رفقا سیله بر لکده حق دخولی اولیان محله لیلأ کیرملرندن طولانی تنظیم ایلدکری اقامتگاه سندن حاجی آغانک دکاننده اقامتگاه کوسترلری مرقوم حاجی آغانک مظهر هم افکار و سارق قومپانیه سی افراددن اولوب یتاقلقده بولندیغنه دلالت ایتدکده اولدینی بولنردن مظهرک کبیتی اعتراف ایتسنه و فراری مصطفانک مهریه پاره کیسه سنک مذکور خانه ده بولنسنه و جمال نام دیگر جمیلک دخی اوزرنده ظهور ایدن سیم طبقه و آلتون ساعتی آلدینی محلی تعیین ایده مامسنه و مبین افاده لرینه نظراً مرقومون جمال نام دیگر جمیل و مظهر و فراری مصطفی و صاری یورکینک بر سارق قومپانیه سی تشکیل ایتش اولدقاریک آکلاشدینی و بولنردن مظهر حبسخانه عمومی خسته خانه سنده تحت تدابیده و مصطفی ده فرارده اولوب در دستنده ارسال قلنه جنی و ۹ تشرین اول سنه ۳۲۴ تاریخی ضبط ورقه سنده دخی مرقوموندن مظهرک فراری اثناسنده دیرکر آره سنده محلیجی آپوستول ولد آرکیروسنک دکانه مال مسروقندن اون پارچه دن عبارت کوشدن معول صواتی بر عدد زنه قوشاغیله اوج زنجیر اوزرینه کذلک کوش براوفق حنجرقینی بر مجیدی به مقابل بر افش اولدینی خبر آلدیغندن مرقوم آپوستولدن اخذ اولدینی از بار قلنمشدر .

قرائت اولتان اوراق مندرجانه قارشو نه دیه جکری متهلردن سؤال و دیگر کونه استیضاح احوال اولدقده بولنردن جمال نام دیگر جمیل اوزرنده ظهور ایدن ساعتک طنسان و باطقسان بش غروشلق اوفق بر ساعت

اولوب ايكي ايكي بچق سسنة اول قوللانمقده ايدوكنى ومالطين بچاغنى دخی بر طاقم كردلرك كتور بکلرینی وکندوسنی قورشون و سلاح بولنادیغنی یادودیکر متهم مظهر دخی کندوسنی قاسم پاشاده بر قهوه خانه اوتورمقده ايکن در دست ایلدکلرینی وکندوسنی کورولتی ائسانسده اهالی طرفندن آتیلان سلاحلردن مجروح اولدیغنی و حین دردستنده برکونه اقرارده بولنادیغنی ویا لکیز سمتلیسی اولدیغندن بچله جمالی طنادیغنی سولدیکنی و آياغندن مجروح اولدیغنی حالدده بولیس مجلسنه کتورمش ايسه لرده مجلسده صورقلرندده افادهم یوقدر ديهرك افاده ویرمدیکنی ویا رلندیغنی ائشاده حس ایتایوب بالاخره برینه واصل اولدیغنده مجروح اولمش اولدیغنی آکلادیغنی کبی جارحی دخی بيلمز ایدوکنندن ضابطه یه شکایت ایتدیکنی ایراد ایلدیلر .

مدعی عمومیک مقامندن بالاعطا قرائت ایتدیریلان شهود بوصله سنده اسمی محرر بولنان و سرقومیسر اولوب الیوم امنیت عمومیہ مدیریتمده مستخدم اولدیغنی سولیان اوتوزسکز یاشنده محمدصادق افندی بن عباده دعوت واقعیه اتباعاً ورود ایتمکله حضور محکمه یه چیقهریله ق لدی السؤال طرفینه برکوناقربت ومناسبت وخصوصتی اولنادیغنی آکلایدقندن وتعريفات قانونیه دائره سنده امر تخلفی اجرا قیلندقدن صکرده بالمواجهه استماع اولندقدده ضبطیه نظری سامی پاشانک معیتندده بولندیغنی صروده برکون حکمت نامنده بریسی کندوسنه بالمراجعه متهملردن مظهرک رفقا سیله برلکده شهزاده یاشنده برخانه به بالدخول بکچی بی دخی اورمش اولدقلمی واشیای مسروقهدن برکری مرقوم مظهرک وزنه جیلرده بر سودجی یه براقش اولدیغنی خبر ویرمی اوزرینه مرقوم حکمت ایله برلکده مزبور سودجی یه کیدوب سؤال ایتدیکنده فی الواقع بریسنک بر مجیدی مقابلنده برکرایله بر خنجر قتی ترک ایتش اولدیغنی سولیس یه مجیدی ویروب مذکور اشیای آلدیغنی افاده مضبوطی وجهله اخبار و عندالاستفسار کمر اوزرنده خدیجه اسمی محکوک ایدیسده کندوسنی کیمک اولدیغنی بيلمادیکنی ومتهم مرقوم مظهرک کویرده حکمته راست کلهرک مرقوم سودجیده برکمر براقدیغنی ویا رسی وار ايسه کیدوب آلمسنی سولیش ایدوکنی کندوسنه مرقوم حکمتک افاده ایتدیکنی ومذکور کمرک کیمک اولدیغنی بالاخره تحقیق ایدوب ایتمادیکنی دخی بيلمادیکنی وشهادتک حضور محکمه ده کی متهملردن مظهره عائد اولدیغنی تذکار ایلدی .

بوشاهدک ذات وشهادتیه قارشونه ديه چکی متهملردن مظهردن صورلدقدده مذکور کمرک تیزه سی خدیجه نک اولدیغنی وایاغی مجروح بریره براقق ایچون آلدیغنی وکمرک صاحبی جیقدیغنی تقدیرده جزاسنه راضی اوله جغنی ومذکور کمری مرقوم سودجی یه براقدن صکره حکمته راست کلهرک (سن کیت آل صوکره سندن آلیم) دیو سولدیکنی بیان ایتمکله محاکمه سابقه یه شاهد مومی الیهک شهادتک ختامی متعاقب واقع اولان سؤال اوزرینه کندوسنی مذکور کمری یرده بولوب آلهرق اون غروشه مقابل سودجی یه ترهین ایتش اولدیغنی جوانی ویرمش ایدوکی اخطار ونه ديه چکی استفسار اولندقدده بوراده بحث ایتدیکی کمر تیزه سنک اولوب سودجی یه

براقدیغنی کمر بشقه اولدیغنی و بنساء علیه بولنر ایکی کمر اولوب اون غروشه مقابل سودجی یه براقدیغنی وآلمسنی حکمته سولدیکنی کمری ايسه فی الحقیقه یرده بولمش ایدوکنی و تیزه سی خدیجه خانمک کمری دخی کندوسنده ایدوکنی و مرقوم سودجی یه براقدیغنی کمری آياغندن اورولدیغنی کيجه بر بیاض مندیلمک ایچنده باغلی اولدیغنی حالدده بولوب هیچ باقدیغندن نصل کمر اولدیغنی دخی بيلمادیکنی بیان ومذکور کمری یرده بولدیغنی و اوصره ده سرقت دخی وقوعه کلدیکی حالدده حکومته نیچون تسلیم ایتدیکی صورلدقدده ایرتسی کونی آلوده صاحبنه ویرمک اوزره براقدیغنی و مرقوم سودجی یه (اون غروشه ویرده یارین کلوب آلیم بقالم صاحبی کیمدر) ديهرك براقدیغنی و تیزه سی خدیجه خانمک کمرینی چارشوده قولتوچقی یشاره ویردیکنی ومرقوم یشارک سمتی بيلمادیکنی و تیزه سی خدیجه خانم صمائییه ده چیقته فرونده بر خانه ده مقیمه اولوب مزبورده نک فوجه سیده مقری کوینده قطارجی اولدیغنی آیان ایلدی .

حقوق عمومیہ شهودندن سودجی آپوستولک مملکتی اولان کسریه قصبه سنه کیتدیکی واوراده آرکیری اوغلی آپوستول دینمکله معروف بولندیغنی ودائرة ضبطیه قارشو سنده ایرانی حاجی علینک قهوه خانه سنده چیراقلق ایدن موشلی رضا بن محمدک مزکور قهوه خانه نک آلتی ماه مقدم هدم ایدلمسندن چیقوب تره یه کیتدیکنک مجهول اولدیغنی و برنجی دائرة بلدییه طلومبه ریسی حق ودائرة مزکوره طلومبه جیلردن محمد ویرام آتالرك دخی طلومبه جیلینی ترک ایدهرک کیتمش اولدقلمدن بولنه مدقلمی جلبنامه لری ظهرنده مجرر مشروحانن آکلایمغله معاون مومی الیهک طلبی مو جبنجه مرقومونن آپوستولک منسوب اولدیغنی کوریجه محکمه سی معرفتیه افاده سنک علی طریق الاستنباه اخذی ضمننده تعلیماتمه و دیگرلری حقننده دخی تحری مذکرده سی تسلطیرینه و بنساء علیه محاکمه نک یوم آخره تعلیقنه متفقاً قرار ویرلدیکی تفهیم ا لدی .

اخیر اجرای محاکمه ایچون تعیین اولنان شم شباتک اون طقوزنجی کونی متهمان مرقومان جمال نام دیگر جمیل ومظهر علی الاصول حبس خانه عمومیدن کتوریلدره ومدافعه وکیللری حسین رفعت و آپوستول افندیلرك عدم ورود لرینه مبنی مرقومانک قبول وموافقیه اوراق دعوائی محاکم قلمنده مطالعه ایله مدافعه یه مهیا اولدیغنی سولیان محکمه نژدنده مستخدم دعوی وکیللردن سلیمان مجدی بکک متهملردن جمال نام دیگر جمیله واسماعیل حق بکک مظهره وکیل مدافع بالتعین وکیلان مومی الیهما ایله اوراق دعوائی کذلک مطالعه ایدن استیناف مدعی عمومیکی معاونلردن طلعت بک موقع مخصوصلرنده حاضر اولدقلمی حالدده محاکمه صالونه چیقیلهرق محاکمه علنیه اجراسنه مداومت ومومی الیهما سلیمان مجدی واسماعیل حق بکلره اخطارات لازمه قانونیه ایفا اولندقدن صکره هیئجه قسماً تبدل وقوعه مبنی ضوابط سابقه قرائت ایتدیریلهرک صحت مندرجاتک تصدیقه طرفینجه مبادرت قیلندی .

حقوق عمومیہ شهودندن اولوب قرار سابق وجهله حقننده تحری مذکرده سی ویرمش اولان ومقدما برنجی

دائرة بلدية طلومبه رئيسي اولوب اليوم قنطار جيلرده رشيد پاشانك عرصه سنده اقامتله ميوه خشك كمركي حاللرينك كيسه داري اولديغي سويليان يكرمي سكر ياشنده شيرولى حقى ازا بن عبده ورود ايتكله حضور محكمه يه چيقه ربله رق لدى السؤال طرفينه بركونه قرابت ومناسبت وخصومتى اولديغي آكلاشيلدندن تعريفات قانونيه دائره سنده امر تحليفي اجرا قلندقدنصكره بالمواجهه استماع اولندقدده بركيجه برنجي دائرة بلديه آلتنده واقع قهوه خانه ده اوتورمقدم لر ايكن اورايه كلان بر قوميسر ك برخانه يه سارق دخول ايتديكندن بحثله معاونته دعوت ايتسي اوزرينه كندوسيده طلومبه افرادندن محمد ويرام ايله برلكده قوميسر ك آرتي سندن كنديلريني وقوميسر مومى اليه خانه ك اوست قاتنه چيقوب كنديلري آلت قاتده بكمكده لر ايكن يوقاريدده برال سلاح انداخت اولمى متعاقب قوميسر ك جان قورتاران يوقى ديو باغرمسندن كندولريده يوقارى چيقمقدمه اولدقلى بر صروده اوزرلرينده بر قاچ ال سلاح دها اولديغي واورده متهملردن جمال نام ديكر جيسلك باشي آچيق واوستى باشي موم ياغي ايچنده اولديني حالده كندولرينه خرسز يوقاريدده ديرك ويوقاريدن آشاغي يه اينهرك آردلردن صاووشمغه باشلامسندن مرقومك خرسز اولديغي آكلاملر يله هان آرقه سنى بالتعقيب برنجي دائره ك آرقه سنده كي اوفق مسجدك سوقاغي دروننده در دست ايتديكاري ومتهم مرقومك انشاي فرارنده اوزرندن بريچاق چيقاروب يره آتديغي كورمش ايساده آرقه سنى براقامق ايچون كندوسى ييغاي آله ميوب بالاخره كيمك آلدني دخی مشامده ايدمديكني افاده مضبوطه سنده موافق صورته اخبار وشهادتنده حضور محاكمه ده كي متهمندن جمال نام ديكر جيله عائد اولوب قراكلق اولديني جهته مظهرى او صروده كوره مديكني تذكر ايلدى .

بو شاهدك ذات وشهادته قارشو نهديه چكي متهملردن جمال نام ديكر جيلدن صورلدقده قراكلق اولديني حالده كندوسنى نصل كوره بيلديكني وديركلر آره سنده دائما موم يانمقدم بولنديني جهته اوزرنده كوريلن موم لكه لر ينك دخی آندن حاصل اوله بيله چكني على الخصوص رمضانده نشان آتمق مسئله سندن شاهد مرقوم ايله منازعه ايتديكندن شهادتي قبول ايتيه چكني سرد وشاهد حقى اضا دخی منازعه ك اصل واساسى اولماديغي بالبيان طعن واقعي رد ايلدىلر .

قرار سابق وجهله يازيلان استنباه ورقه سيله تحري مذ كره لر ينه مورود جوابلر اوقوتديرلدقده بونلردن كوريجهدايت محكمه سى جزا دائره سى رياستك ۱۵ شباط ۳۲۶ تاريخلى تحريراتنده كسريه ك كوريجيه اورايكي ساعتدن عبارت اولان بعديتي حسييله وقت معينده مقتضى جوابك يتشديرلى غير قابل بولمش وتسريع اجباي محل رياسته ازار قلمش اولديغي وامين او كي بوليس مركزي قوميسر معاونلكك ۱۹ شباط سنده ۳۲۶ تاريخلى دركنارنده برنجي دائرة بلديه طلومبه افرادندن شير ولى برامك بوندن بش ماه مقدم ومحمدك دخی دائره مذ كوره طلومبه جيلرى معرفتيله اقامتكانك بولنه بيله چكي وموشلى رضا حقنده كي تحري تذكره سنى متعدد دركنارلى جوابلرنده مرقومك درت سنده مقدم آفر بارلردن سر قوميسر كرد دنار افندي

واسطه سيله بتليسه تبعيد ايتديرلمش اولديني محرر بولنديغندن ايجاب كيفيت مذا كره اولندقدده معاون مومى اليه ك طلبى وجهله استنباه ورقه سنى ورودينه انتظار وشهود مرقومدن برامك تملكيتى اولان شيرونك هانكي محانه كيتمش وموشلى رضانك بتليساك نره سنده تبعيد ايدلمش اولدقلىرينك بالتحقيق اشعارى ومحمدك دخی بالتحري يوم محاكمه ده احضارى ضمننده تذكرلر اسطار اولمى سنده وبناء عليه محاكمه ك شهر شباطك يكرمي سكرنجي بازار ايرتسى كونه تعليقنه متفقاً قرار ويرلديكي تفهيم اولدى .

يوم مذ كورده متهمان مرقومان جمال نام ديكر جيل ومظهر على الاصول حبس خانه عموميدن كتورديلهرك ومتهملردن مظهره وكيل مدافعنك عدم ورودينه مبنى مرقومك قبول وموافقتله وكيل مدافع تعين قلنان واوراق دعواي محكمه قلمنده مطالعه ايله مدافعه يه مهيا اولديغي سويليان محكمه نژدنده مستخدم دعوى وكيللردن ولاديمر افندي وجمال نام ديكر جيلك وكيل حيدر رفعت ومعاون مومى اليه حامد بكار موقع مخصوصلرنده حاضر اولدقلى حالده محاكمه سالونه چيقيله رق اجراي محاكمه علنيه يه دوام ووكيللردن ولاديمر افندي يه اخطارات لازمه قانونيه ايفا اولندقدنصكره هيئته قسماً تبدل وقوعه مبنى قرائت ايتديريلان ضوابط سابقه ك صحت مندرجاتى طرفينجه تصديق ايلدى .

ادعا شهودندن مرقوم موشلى رضا حقنده قرار سابق وجهله يازيلان مذ كره يه ويريلان جوابده مرقومك متفرقه قوميسرلكى واسطه سيله بتليس ولايته تبعيد ايدلمش ايسده نره سنده تبعيد ايدلديكي واقمتهك ومحل تولدى واستانبوله كلكيكي اكلاشيله ماش اولديغك محرر ايدوكي ومحاكمه سابقه ده دخی مرقومك عين سبيدن طولاي افاده استنطاقيه سنى قرائتله ا كتفا ايدلمش بولنديني بيان اولندقدده معاون مومى اليه برمنوال محرر درت سنده اول بتليسه تبعيد ايدلديكي بيان اولنان مرقومك جلب واستاعنده تعسر حصوله كلكيكنندن افاده استنطاقيه سنى قرائت اولمى طاب ايتكله وطاب واقع مصيب وموافق قانون كورلمك مرقوم رضانك استنطاقاً مع القسم مضبوط بولنان افاده سنى قرائته قرار ويريله رك بعد التفهيم اوقوتديرلدقده كندوسى اشجي ايراني حاجي اغانك ياننده خدمت ايتديكي ائنده مرقومون جمال ومظهر وحسين ومصطفى وصارى يوركي ي دائما كلوب ويره سيه يمك يدكاري جهته طانيديغي وبونلر كيم اولديغي بالمناصبه اوسته حاجي آغان سؤالنده حاجي آغانك مرقومونك خرسز اولدقلىرى واوراده كوردكي كي ويره سيه يوب ايچر ويانار اولدقلىرى وهر برينك خيلي بورجلرى بولنديغي جواباً بيسان ايلديكني ومرقوم حاجي اغانك مرقوملره يتاقلق ايتكلده وقهوه جي قاسم پاشالى حكمتك دخی كذلك يتاقلق ايدوب جمله سندن پاى آلمقدم بولندقلىرى وبركيجه كندوسنى برسرقت شبهه سيله نوبت اوطه سنده جلب ايتمش اولدقلىرى صروده مرقوموندن جمالى اوستى باشي موم ياغي ايچنده وباشي آچيق والارنده كاپچه اولديني حالده كتورملر يله نه ايچون كتورلديكي سؤال ايتديكندن غوغا ايتديكندن طوتيلوب كتورلديكي جواني ويرديكني واورده باب ضبطيه ده سر قوميسر محمد على افندي كندوسندن مرقوم جمالى طانيوب طانياديغي سؤال ايتكله كندوسنده مرقوم جمال ايله

حاجی آغا ومصطفی ومظهر و صاری یورکی وحسینی طانیذی ومرقومونک خرسز اولدقلری سولدیکنی واورادنده کندوسنی بشقه محله توقیف ایلدکلری ومذکور کیجه ساعت آلتی یدی راده لرنده پولیس مجلسی اعضاسندن حسنی بکله محمدعلی افندی کندوسنی معلومات آلق اوزره مرقوم جلالک موقوف بولندی قغوشه ادخال ایتمایله اوراده نه ایچون توقیف ایدایکی مذکور جلالدن صور دیغنده مرقومک بو آقشام مظهر ومصطفی ایله برلکده وزنه جیلرده کاظم بک خانسه کیردکلری واهالی خبر آلوب ایچری یه کیردکلرندن قورلق ایچون مظهرک سلاح آتدیغنی ولامبه لک سونمندن قراکلق اولدیغنی جهتله مظهری طوته مدیر ایسهده پولیسک آتدیغنی روولوردن مرقوم مظهرک مجروح اولدیغنی وکندوسنی ده طوتوب بورایه کتوردکلری وحتی ایکی کیجه مقدم بنه بر خایه کیرمش واوراده دخی مرقوم مظهرک بکچی یه اورمش اولدقلری حکایه ایتمش ایدوکنی مین بولمشدر .

قرائت اولنان اشبو افاده یه قارشو نه دیه جکلری متهملردن صورلدقده بولردن جمال نام دیگر جمیل شاهد مرقومک قهوه چی قاسم پاشالی حکمتک آلتی مثابه سنده اولدیغنی ومرقوموشلی رضاغاردیان اوطه سنده موقوف اولوب یالکز بر کیجه یاننده یانیدیغنی والحاصل کندوسنی شایان اعتماد اولمادیغنی بیان ومظهر دخی بکچی مرقوم حکمتک اوردیغنی اولجه اقرار ایتمش اولدیغنی اثبات ایلدیلر .

حقوق عمومیه شهودندن آپوستول حقنده کوریجه جزا محکمه سنه کوندریلان استنباه ورقه سنک جوانی هنوز ورود ایتادیکی آکلا شیلمش ودیگر شاهد شیرولی بیرامک مملکته کتمش اولدیغنی ومحمد دخی برنجی دائرة بلدی طومبه جیلری معرفیه بولنه بیله چکی اولباده کی تحری مذکره نه ویریلان جوابده محرر بولنش اولدیغندن معاون موی الهک طلبی موجبجه استنباه ورقه سنک تا کیدینه وبولردن بیرامک مملکتی اولان شیرونک نره سنه کیتدیکنک بالتحقیق اشعاری ومحمد دخی لزوم تحریبی حقنده تکرار مذکره تسطیرینه ومحا که نکده یوم آخره تعلیقنه متفقاً قرار ویریلرک آکلادلی .

« مابعدی وار »

استیناف صحرا عدلیه

در سعادت استیناف جنحه محکمه سندن صادر اولان ۱۴ تشرین ثانی سنه ۳۲۷ تاریخلی

و ۱۵۶۸ نومرولی اعلام صورتیدر :

آلمانیانک دوسلدورف قضاسنک غره شایم قصبه سنده مقیم موکللی (غره شایم غلاشوتور که فورم فردیناند

هایه غره شایم بای دوسلدورف) نام شرکتک اعمال ایتکده اولدیغنی بیرا وسائر امثالی مشروبات شیشه لرینه مخصوص اولق اوزره بارخصتنامه علامت فارقه اتخاذ ایتمش اولدیغنی طهارلی تقلید واستعمال ایتدیکی حقنده استانبول بانچه قبه سنده شیخ الاسلام خانده مقیم دعوی وکیلی کیغورق کورغیان افندی طرفندن بک اولعنده شیشلیده قوزمه نک بیراخانه سنده مقیم مارکو درودا کیس افندی علیه اقامه اولنان دعوی اوزرینه بک اوغلی برنجی جزا محکمه سنده جریان ایدن محاکمه نتیجه سنده دعوی واقعک ردینه دایر صادر اولان قراری حاوی اعلامک استینافاً تدقیق طلبی حاوی مدعی کیغورق افندی طرفندن معطی استدعنامه واوراق متفرعه سی استیناف مدعی عمومیاکنک ۲۹ مارت سنه ۳۲۷ تاریخلی ویک طقوز یوز طقوز نومرولی مطالعه نامه سیله در سعادت استیناف جنحه محکمه سنه تودیع اولغنه بالمطالع اولباده تنظیم قلنان جلب مذکره لرنده معین سنه حالیه مایسنک اون دردیجی کونی استیناف مدعی عمومی معاونلرندن رفیق بک ومستأنف کیغورق افندی ومستأنف مارکو ایله وکیلی دعوی وکیللرندن رشاد بک حاضر اولدقلری حالدیه وجاهاً اجرای محاکمه علیه یه مباشرتله لدی التدقیق قرار واعلام مستأنف به ۱۳ کانون ثانی سنه ۳۲۶ تاریخنده تفهیم واستیناف استعاسیده ۱۸ کانون ثانی سنه منه تاریخنده قید ایله مدت معینه سی طرفنده ویرلدیکی آکلاشدقندن صکره واوراق استینافیه صره سیله اوقوتدیریلرک بولردن اعلام مستأنف بک نتیجه مندرجاتی هر نه قدر مدعی شخصی وکیلی کیغورق کورغیان افندی طرفندن موکللی «غیر شایم غلاشوتور که فورم فردیناند هایه غره شایم بای دوسلدورف» نام شرکت نامه استیصال ایدمش اولان ۱۴ کانون ثانی سنه ۳۲۵ تاریخلی بر قطعه علامت فارقه علم وخبری ایله مظنون علیه علیه تعلید دعواسی اقامه اولنش ایسهده مظنون علیه وکیلک وقوعبولان اعزامی علامت فارقه صاحبی دنیان شرکت مذکورک در سعادت ویاخود ممالک شاهانه ده بر تجارت ویا اقامتک اتخاذند صکره مذکور علامت فارقه یی اتخاذ و علم وخبری استیصال ایتمش اولدیغنه دایر علم وخبرده بر قید اولمایوب بالعکس علم وخبرده صاحب علامتک محل اقامت وصنعتی کوستررقسمنده آلمانیا ده دوسلدورف شهرنده غره شایم قصبه سنده مقیم عبارت سی محرر بولمسنه بناء علامت فارقه نظامنامه سنک آلتیجی ماده سی احکام صریحه سی وجهله مذکور علم وخبرک زمان استیصالنده صاحب علامت دنیان شرکتک ممالک دولت علیه ده صنایع وتجارت اصحابندن اولدیغنی اثبات ایدر بر دلیل بولنماسنه وکر چه شرکت مذکورک بر آژانس بولندیغنی مدعی وکیلی کیغورق افندی جانبندن بیان ایدمش ایسهده آژانسک وجودی صاحب تجارت تعبیر قانونیسنه دن مطلوب اولان مقصدی تأمین ایدوب ایدمه چکندن قطع نظر مذکور علم وخبرده آژانسک وجودی ومحل دخی اراده ایدلماش بولنماسنه مبنی بناء مدعی شرکتک مذکور علم وخبرایله علامت مذکوریه استناداً اشخاص سائر حقنده اقامه دعویایه حتی اوله میه جغندن ادعای واقعک ردینه وضرر وزیان حقنده مظنون علیه طرفندن استدعا ویرلدیکی حالدیه ایجابنه باقلمق اوزره حجز موضوعک فکیله مصادره اولونان اشیانک صاحبیه ردینه قرار ویرلدیکندن واستیناف استعاسی مفادیده رخصتنامه اعطاسی قانوناً تجارت ونافعه نظارتنه عائد برحق وصلاحت اولدیغندن نظارت مشارالیه جانبندن استدعاری

بعدالتدقیق علی الاصول شرکت مزبورہ نامہ بر قطعہ رخصتنامہ اعطا قلندرق شو حالہ بدایت محکمہ سنجہ آنک خلاف اولہرق ویریلان قرار خارج از وظیفہ و صلاحیت بولنش اولسنہ ثانیاً علامت فارقه نظامنامہ سنک آلتنجی مادہ سندنہ تبعہ اجنبیہ نک قانون مخصوص موجبہ منافع و تأمینانہ نانایتی ممالک دولت علیہ ذہ ضایع و تجارت اصحابی بولنق قیدیلہ مقید اولوب اشبو قید و شرطلہ بر اجنبینک ممالک عثمانیہ دہ اقامتکہ مخصوصی اتخاذینہ مجبوریت قانونیہ سی بولنامسنہ ثالثاً فابریقہ دہ آلمانیا دہ اولدیغندن مرکز معاملاتنک آلمانیا دہ بولنسی ضروری ومع مافیہ اعمال ایتکدہ اولدینی شیشہ لک بر قسیمی دخی ممالک عثمانیہ دہ فروخت ایتکدہ اولدیغندن ترکیادہ صاحب تجارت بولنسی طبعی و شو وجہلہ مقصد قانون حاصل اولمش اولدینی حالہ محکمہ جہ نظر اعتبارہ آلمانسنہ رابعاً شرکت مزبورہ نک درسعادتہ آجنتہ سی اولوب سائر فابریقلر مثلاً ممالک عثمانیہ دہ اجرای تجارت ایتکدہ اولدینی و آجنتہ نک مغازدہ سی فابریقہ نک تجارتکاهی دیمک اولدینی درجہ اولی محکمہ سنجہ بیان اولدینی حالہ بالا اسباب قانونیہ رد ایدلسنہ بناءً بدایۃ اتخاذ اولنان قرارک فسخیلہ ایشک درجہ اولی محکمہ سنہ اعادہ سنہ قرار ویرلسی طلب و استدعاسندن و مطالعہ نامہ مألۃ دہ درمیان اولنان اسباب غیر وارد واعلام مستأنف بہ اصول و قانونہ موافق بولندیغندن بالحاکمہ اسلام مذکورک تصدیقی طلب و ادعاسندن و تقریر مفہومیدہ اوراق مرقومہ نک خلاصہ و نارنجلری بیاندن عاری ایدوکی کورلدکنصکرہ دیجکی مستأنف مومی الیہدن صورلدقہ استدعای مندرجاتی تکرارلہ برابر مادامکہ حکومت سنہ صاحب تجارت صقیلہ طائیشدر محاکمہ جہ قبولی لابدر . بر اجنبینک اختراع قانونی موجبہ اقامتکہ تعیینی درجہ وجودہ ایسہ دہ علامت فارقه نظامنامہ سنک آلتنجی مادہ سی اقتضاسنجہ ممالک عثمانیہ دہ صاحب تجارت اولسی درجہ کفایہ دہ بولندیغندن بجللہ اعلام مستأنف بہک فسخی طلب و مستأنف علیہ وکیلی مومی الیہ دہ علامت فارقه نظامنامہ سنک آلتنجی مادہ سی موجبہ اجنبیلرک ممالک عثمانیہ دہ اجرای تجارتلہ مستفید اولملری تجارتکہ صاحبی بولنلرینہ متوقف اولوب مدعی شخصینک تجارتکاهی ایسہ آلمانیا نک غرضایر شہرنہ بولندیغنی و اختراع و علامت فارقه قانونلری بشقہ بشقہ قانونلر اولوب اقامہ و تعقیب ایدیلان دعوی ایسہ تقایددن عبارت ایدوکی و شرکت مذکورہ اموالک ممالک عثمانیہ دہ دللال واسطہ سیلہ فروختی ایسہ قانوناً مطلوب اولان تجارت ویا اقامتکہ دیمک اولہ میہ جنی بیانلہ استیناف استدعاسنک ردینی و قرار مستأنف بہک تصدیقہ طلب و مستأنف علیہ مارقودہ وکیلنک افادہ سی تکرار و مطالعہ سی صوریلان معاون مومی الیہ دہ مستأنف وکیلی طرفدن درمیان اولونان اعتراضات قانوناً غیر وارد اولدیغندن قرار مستأنف بہک تصدیقی ادا ایللریلہ مستأنف وکیلی مومی الیہ تکرار کلامہ بالا بتدار علامت فارقه نظامنامہ سی موجبہ آلتان کفالت آچہ سی اقامتکہ تعیینی کیفیتی تأمینہ کافی اولوب اجنتہ واسطہ سیلہ فروخت اموالہ مانع قانونی بولنہرق بر اجنبینک واسطہ ایلہ صاحب تجارت اولہ جنی بدیی بولندیغنی و عندالحاجہ بوجہتی اثبات ایدہ جکنی و بناءً علیہ آجنتہ تجارتکاهلری و نافعہ نظارتجہ امتیاز اعطا اولنفسیدہ مدعاسنی مؤید ایدوکی افادہ و مستأنف علیہ وکیلی دہ

نافعہ نذارتی قانونک تدقیق و تطبیقہ مأمور اولوب یالکیز تسجیل ایتک حقی حائز ایدوکی و کفالت آچہ سی اقامتکہ تعیینہ کفایت ایتیمہ جکنی درمیالہ دعوانک عدم استماعہ قرار ویرلسنی طلب و افادہ ایللریلہ ختمام محاکمہ بالتفہیم وقتک عدم مساعدہ سنہ مبنی محاکمہ شہر مایسک یکریمی سکرنجی کونہ تعلیق اولندی .

شہر مایسک یکریمی اوچنجی کونی ہیئت حاکمہ مذاکرہ اوطنہ سندنہ بالاجتماع ایجابی مذاکرہ اولندقدہ مستأنف وکیلنک بر منوال محرر اعتراض واستینافی اوزرینہ مستأنف علیہ وکیلیدہ بورادہ تجارتکاهلری اولندقہ بوبادہ کی دعوالرینک استماع ایدنامسی لازم کلہ جکنی بیان ایلہرک بوکا قارشی مستأنف مومی الیہ موکلی شرکتک بورادہ اجنتہ وکیللری واسطہ سیلہ اجرای تجارت ایتدیکینی و بوجہتی لدی الحاجہ اثبات ایدہ سیلہ جکنی سوبلدیکندن اول امر دہ شرکت مذکورہ نک ممالک عثمانیہ دہ اجرای تجارت ایتدیکینک اثباتی لزومہ متفقاً قرار ویرلدی .

یوم معلقہ معاون مومی الیہ رفیق بک حاضر و طرفین بر سابق کارک موجود اولدقلری حالہ وجاهاً اجرای محاکمہ علیہ یہ مبادرتلہ قرار مذکور جانب ریاستدن اصولاً بعدالتفہیم محاکمہ شہر حزرانک اون سکرنجی کونہ تعلیق اولندی .

یوم مذکورہ معاون مومی الیہ رفیق بک و طرفین بر سابق کلہرک حاضر ایسہ لردہ وکیل مومی الیہ مقدما ویریلان قرار موجبہ وثیقہ استحصال ایتک اوزرہ استمهال محاکمہ ایلسیلہ محاکمہ شہر تموزک یکریمی اوچنجی کونہ تعلیق اولندی .

یوم مذکورہ مستأنف وکیلی کیغورق کورغیان افندی واستیناف مدعی عمومی معاونلرندن عبدالصمد بک حاضر اولدقلری حالہ وکیل مومی الیہ هنوز وثیقہ استحصال ایدہ مامش اولدیغندن محاکمہ نک تعلیقنی طلب ایلسیلہ اولوجہلہ محاکمہ شہر ایلولک اوچنجی کونہ تعلیق اولندی .

یوم مذکورہ طرفین بالورود استیناف مدعی عمومی معاونلرندن رفیق بک حاضر اولدقلری حالہ مستأنف علیہ مارقو وکیلنی کتیرمک اوزرہ محاکمہ نک تعلیقنی طلب ایتسیلہ اولوجہلہ محاکمہ تشرین اولنک سکرنجی کونہ تعلیق اولندی .

محاکمہ نک معلق بولندیغنی شہر تشرین اولنک سکرنجی کونی طرفین بر سابق کلہرک وقوع معذرتلرینہ مبنی بالرضا تعلیق ایتدکلری شہر جارینک یکریمی طقوزنجی کونی طرفین و مستأنف علیہ وکیلی نشئت بک بالورود معاون مومی الیہ رفیق بک حاضر اولدقلری حالہ وجاهاً اجرای محاکمہ علیہ یہ مباشرتہ مستأنف شرکتک درسعادتہ اجرای تجارت ایتدیکینی اثبات امرنہ بر قطعہ مع ترجمہ مکتوب ابراز ایتسیلہ بالقراۃ عیناً درج اولندی بالاسندنہ « غرضایم ۱۵ مایس سنہ ۱۹۰۲ استانبولہ موسیو والی برغازو » مکتوبکزدہ مندرج شرائط دائرہ سندنہ درسعادت و جوارای ایچون فابریقہ مرک وکالتک طرفکزدہ آخالہ سی اشبو مکتوبمزلہ بیان ایدرز دکنز آشیری محللردہ بولان سائر وکیللرمزی یایدیغمزکی سزہ ویریلہ جک قومیسینون

مالدار محل تحمیلاری اولان یعنی انطورین و هامبورخ و سائر لیمانلرک واپوره تحمیلنه قدر واقع اوله جتی مصارفی ايله برابر طوتاری اوزرینه حساب اوله جقدر . زیرنده ده « غلطه ده محمد علی پاشا خاندنہ متمکن دعوی وکیل آغوب آغوبیان » امضائی حاوی ایدوکی کورلرکله وکیل مومی الیه نشئت بک کلامه بالابتدار شرکتک بالنفس صاحب تجارت اولسی لازم کلوب ضرر وقوعنده قومیسوونجیدن استیفای حق ایدیه میه جکنی و تعاطی مخبرات استحصال ضرر ایچون مرجع اوله میه جتی بیان ايله حکم اولک تصدیقنی طلب وکیل مومی الیه کیغورق افندیده شرکتک درسمعدتده صاحب تجارت اولدینی ابراز ایتدیکی ورقه ايله مثبت اولوب طرف دیگرک ضرر و زیانی ده قبل الدعوی محکمه جه تقدیر اوله رق حیز دخی ایدلیدیکنی افاده ونشئت بکده تقدیر ایدیلان مبالغ مؤکلتک ضرر و زیانی تضمین و تأمین غیر کافی ایدوکی وررقه مذ کوره بینه تشکیل ایتیه جکنی بیان و معاون مومی الیه دخی مطالعه نامه مائی تکرار و وکیل مومی الیه مستأنف علیه حاضر افادات مسروده لرینی تکرار بیان ایتلریله ختام محاکمه بالنفهم وقتک عدم مساعدتده سنی مبنی مذاکره کیفیتله ویریله جک قراک تفهیمی ایچون محاکمه شهر تشرین ثانیکن اون دردنجی کوننه تبلیغ اولندی .

هیئت سابقه :

شهر تشرین ثانیکن اون دردنجی کونی هیئت حاکمه مذاکره اوپه سنده بالاجتماع اوراق موجوده مطالعه و تدقیق اولندقدن صکره اقتضائی مذاکره اولندقدن هر نه قدر وکیل مومی الیه کیغورق افندی بندالاستیناف مؤکلی شرکتک درسمعدتده آجتیه سی واسطه سیله اجرای صنعت و تجارت ایتدیکی نافعہ نظارت جلیله سندن کندیلرینه امتیاز اعطا اولمسی و مبرز مکتوب مندرجاتیله ثابت اولدیغندن بخله قرار اعلام ابتدائیک فسختی طلب ایلنکده ایسه ده علامت فارقه نظامنامه سنک آلتنجی ماده سی صراحتنه نظراً مرکزی آلمانیاک دوسلد ورف قضائیک غره شایم قصبه سنده بولان شرکت مذ کوره نک اشخاص سائر علمینده قامه دعوایه استحقاق کسب ایتسی ممالک عثمانیه ده صنایع و تجارت احکامیندن بولندیقنی اثبات ایتسنه وابسته اولوب وکیل مومی الیه طرفندن مبرز مذ کور مکتوب مندرجاتی ایسه وکیل مومی الیه ايله شخص ثالث بیننده کی قومیسوونجیلغه متدائر مخبراتیندن عبارت و بناء علیه شرکت مذ کوره نک بوجه محرر ممالک عثمانیه ده اجرای صنعت و تجارت ایتدیکنی اثبات غیر کافی کورلمسنه و نافعہ نظارت جلیله سنجه ویریلان امتیازی حاوی علم و خبر بوبابنده بینه تشکیل ایدیه میه جکنه و شو خالده مذ کور شرکتک استحصال ایتش اولدینی علم و خبرله اشخاص سائر علمینده قامه دعوی حق اوله میه جتی درکار بولمسنه بناء اعتراضات مسروده غیر وارد و حکم و اعلام ابتدائی مذ کور اصول وقانونه موافق و اسباب موجبیه مستند بولنش اولدیغندن تصدیقه و یوز یکریمی غروش مصارف ابتدائی ايله معاً شرکت مذ کوره وکیل مومی الیه کیغورق افندیدن تحصیلنه قابل تمیز اولمق اوزره ۱۴ تشرین ثانی سنه ۳۲۷ تاریخنده وجاهاً و متفقاً قرار ویرلدی .

بوکون هیئت حاکمه محکمه اوپه سنده بالاجتماع قرار مذ کور استیناف مدعی عمومی معاونانندن عبدالصمد بکک حضوریه کلن طرفینه اصولاً تفهیم اولندی .

تجارت اعدمانی

درسمعدت ایکنجی تجارت محکمه سندن صادر اولان ۱۳ تشرین ثانی سنه ۳۲۷ تاریخلی و ۲۰۴۷

اعلام صورتیدر :

نام نامی حضرت حکمداری به اجرای محاکمه و اعطای حکمه مأذون درسمعدت ایکنجی تجارت محکمه سنک اوچ یوز یکریمی یدی سنه سی شهرتشرین اولنک اوتوزنجی بازار کونی زوالی ساعت اوچ بچقده آیا صوفیه داتره مخصوصه سنده انعقاد ایدن جلسه سنده اعطا ایتدیکی حکمی حاوی اعلامدر .

مدعی : درسمعدتده بیک بر دیر کده بویاجیلر ایچنده درت نومرولی بقال دکاننده یورکی ولد افغان .

مدعی علیه : درسمعدتده بیک بر دیر کده عجمک قهوه خانه سنده ساکن ونوشهرک ذیله قریه سی اهلایسندن

مقدما بقال یوان ولد تریفونوس .

خلاصه دعوی : ۲۸ ایلول سنه ۳۲۷ تاریخ و یورکی ولد افغان امضاسیله محکمه یه بالاعطا دفتر مخصوصنک ۳۲۷ نومروسنه معامله قیدیسی ایفا قلنان عر فخالده مندرج اولدینی اوزره مرقوم یوان ذمتنده بر قطعه سند موجبجه مطلوبی اولان الی عدد عثمانی لیراسنک تاریخ سندن اعتباراً مع فائض و مصارف محاکمه واجرت و کالت تحصیلنه حکم اولمسی طلبندن عبارتدر .

مدعی طرفندن ۲۸ ایلول سنه ۳۲۷ تاریخنده بالابراز ۲۸ ایلول سنه ۳۲۷ تاریخنده علی الاصول مدعی علیه تبلیغ قلنان اوراق .

۲۸ ایلول سنه ۳۲۷ تاریخ و یورکی ولد افغان امضالی اساس دعوی عر فخاله [نومرو ۱] ۲۸ ایلول سنه ۳۲۷ تاریخلی و بقال یورکی ولد افغان امضائی حاوی برنجی لایحه [نومرو ۲] ۱ اغستوس سنه ۳۲۳ تاریخلی و یوان ولد تریفونوس امضالی برقطعه سند [نومرو ۳] و بولنرک مفرداتی مبین پوصله [نومرو ۴] اشبو اوراقک مدعی علیه تاریخ تبلیغندن اعتباراً مدت قانونیه سی ظرفنده برکونا جواب ورود ایتماسی اوزرینه مدعیکنک وقوع بولان طلبنه بناء و ذیل اصول محاکمه حقوقیه نک طقوزنجی ماده سی حکمنه توفیقاً ۱۵ تشرین اول سنه ۳۲۷ تاریخنده جلسنامه تسطیری تنسیب قنهرق طرفینه ایتدیریلان دعوتیه ورقه سنده کورتیریلان مذ کور کونده طرفین بالاخاله محکمه یه کلرلیله مدعی علیه مرقوم یوان کندوسنه تبلیغ ایدیلان اوراته قارشو برکونا تحریری جواب و مدافعه سی بولنیوب اساس دعوائی اقرار ایلنکده اولدینی سولسی اوزرینه بوجهت لدی التأمل مدعی علیه افاده سنه نظراً اعطا قلنان اوراق تبلیغات ایچون درجه کافیه ده کوریندیکندن قانون مذ کورک یدنجی ماده سنک فقره اخیره سی موجبجه بشقه تبلیغات محل اولمادیغنه بالندا کره

متفقاً قرار ویریلرک تفهیم اولمنسی متعاقب وجاهاً اجرای محاکمه به مبادرت اولندی . محکمه بجه کوزیلان لزوم اوزرینه مدعینک سالف الذکر دعوی عرضحال [نومرو ۱] ولایحه [نومرو ۲] وسند [نومرو ۳] مندرجانی قرائت ایدلد کدنصکره نه دیه جکی صوریلان مدعی علیه یوان مذکور سنده کی امضائی و حاوی اولدینی مبلغ ذمتده الیوم بورجی بولندیغنی اقرار ایلدی و محکمه بجه لدی السؤل حین مدینه ده کندوسنک بقال اولدینی سوبلدی . طرفینک بشقه دیه جکلری اولمادیغنی آکلاشیلیمش اولمغله ختام محاکمه بیلدیرلدی .

ایجابی لدی التذکر دعوی واقعه ده اول باؤل حل اولنه جق مسئله مدعی علیه کی مدعا به الی لیرایی تدین ایدوب ایتمدیکدر .

تدین قضیه سی مدعی علیه کی حضور محکمه ده حین مدینه ده بقال اولدینی وزیر سنده کی امضائی و دینی اقرار واعترافیه ثابت اولمشدر .

مسئله مدیه حل اولندقدنصکره نظره آلسان مسئله قانونیه مدعی علیه کی اقرار واقعه الزام اولوب اولنیه جغدن فائض و مصارف محاکمه ایلده محکومیتی ایجاب ایدوب ایتمه جکندن عبارتدر .

مجله نك ۱۵۸۷ نجی ماده سنک فقره اولیسی وجهله کشی اقراریه الزام اولنه جنی وینه مجله مبعوثنک ۱۸۱۷ نجی ماده سی موجبجه حاکم اقرار ایلان مدعی علیه کی الزام ایدمجه کی جهته مدعی علیه اقرار ایلدیکی مبالغ مدعا به تأدیه به محکوم اوله جنی کی اصول محاکمه حقوقیه قانوننک ۱۱۲ نجی و ۱۳۸ نجی ماده لری موجبجه فائض و مصارف محاکمه ایلده مواخذده اولنه بیلور . اسباب موجبجه مذکوریه مبنی مدعا به مذکور الی عدد لیرای عثمانینک سنده فائضی محرر اولدیغندن سند تاریخی اولان ۱ اغستوس سنه ۳۲۳ تاریخندن اعتباراً حین تأدیه سنده دکی فائض نظامی ایله برلکده مدعی علیه یواندن تحصیل اولنوب یورکی به اعطاسنه و بوجه مفردات مصارف محاکمه نك ده مدعی علیه عائدیهه بالاتفاق وجاهاً قرار ویریلرک طرفینه علناً قرائت و تفهیم ایلدی و ضبطنامه طرفینه تصدیق ایتدیرلدی .

در سعادت ایکنجی تجارت محکمه سندن صادر اولان ۱ تشرین اول سنه ۳۲۷ تاریخی و ۱۹۵۶ نومرولی اعلام صورتیدر :

نام نامی حضرت حکمداری به اجرای محاکمه و اعطای حکمه مأذون در سعادت ایکنجی تجارت محکمه سنک اوچیوز یکر می یدی سنه سی تشرین اولنک یکر می اوچنجی بازار کونی زوالی ساعت بر بچقهه ایاصوفیه ده دائره مخصوصه سنده انعقاد ایدن جلسه سنده اعطا ایتدیکی حکمی حاوی اعلامدر .

مدعی : در سعادت بالق بازارنده آرسلان خاننده مقیم دعوی وکیلی قسطا کی حاجی اوغلی مدعی علیه : بوغاز ایچنده آرنبود کوبنده سبزه جی سوقاغنده ایکی نومرولی دکانده مقیم سبزه جی لیغور ولد واسیل .

خلاصه دعوی : ۱۴ ایلول سنه ۳۲۷ تاریخ وقسطا کی حاجی اوغلی امضاسیله ۱۹ ایلول سنه ۳۲۷ تاریخنده محکمه به بالا عطا دفتر مخصوصنک ۱۹۵۶ نومروسنه معامله قیدی سی ایفا قلنان عرضخالده مندرج اولدینی اوزره لیغور ذمتده حاملی بولندیغنی بر قطعه امره محرر سند موجبجه مطالوبی اولان بشیک یوز آلتش غروشک تأمین استیفائی ضمنتده مدیونه عائد آرنبود قریه سنده سبزه جی سوقاغنده واقع مذکور ایکی نومرولی دکانک ملک و کدکنده متصرف اولدینی یکر می بش سهم حصه شایه سی بک اوغلی ایکنجی حقوق محکمه سنک قراریه تحت حجزه آدیرمش و تصدیق حجز عرضحالی دخی اعطا ایدرک دعواسی مذکور محکمه ده دردست رؤیت بولنش ایسه ده دین سندینک امره محرر اولمسی اعتباریه اشبو محکمه به مراجعته مجبور اولمش اولدیغندن بالحاکمه مبلغ مذکور ایله مصارف حجزیه و محاکمه و فائض نظامی سنک مع اجرای موقت تخصیص حکم اولمنسی طلبندن عبارتدر .

مدعی طرفدن ۱۹ ایلول سنه ۳۲۷ تاریخنده بالا براز ۲۱ ایلول سنه ۳۲۷ تاریخنده علی الاصول مدعی علیه تبلیغ قلنان اوراق : ۱۴ ایلول سنه ۳۲۷ تاریخ وقسطا کی حاجی اوغلی امضائی بر قطعه اساس دعوی عرضحالی [نومرو ۱] وعین تاریخ و امضائی حاوی لایحه [نومرو ۲] وظهرنده ۴ اغستوس سنه ۳۲۶ تاریخ واستفان کیریاقو امضائی و کذا ۱۱ اغستوس سنه ۳۲۷ تاریخ و خرسنولد قسطاطی امضائی حاوی جیرو لری ناطق ۳۱ تموز سنه ۱۹۱۰ تاریخ و غیر بقور ولد واسیل امضائی بشیک یوز آلتش غروشی محتوی بر قطعه سند [نومرو ۳] و بونلرک مفرداتی مبین پوصله [نومرو ۴] دن عبارتدر .

اشبو اوراقک مدعی علیه تاریخ تبلیغندن اعتباراً مدت قانونیه سی ظرفنده برکونا جواب ورود ایتامسی اوزرینه ۶ تشرین اول سنه ۳۲۷ تاریخنده مدعینک وقوعبولان طلبنه بناء و ذیل اصول محاکمه حقوقیه نك طقوزنجی ماده سی حکمنه توفیقاً طرفینه جلبنامه تسلیمی ندیب اولنه رق تبلیغ قلنان دعوتنامه ده معین اولان ۲۰ ایلول سنه ۳۲۷ صالی کونی وسطی ساعت درت بچقهه مدعی محکمه به کلوب مدعی علیه بالذات کلدیکی کی طرفندن بر وکیل دخی کوندرمدیکندن مدعینک وقوعبولان طلبنه بناء و اصول محاکمه حقوقیه قانوننک ۱۴۵ و ذیل اصولک ۱۸ نجی ماده لری حکمنه توفیقاً عدالغیاب رؤیت دعوییه متفقاً قرار ویریلرک تفهیمندن صوکره دعواسی سسؤل ایدیلان مدعی مومی الیه اوراق مذکوره مندرجانی شفاهاً تکرارله بونلر خارجنده بر دیه جکی اولمادیغنی سوبلکله ختام محاکمه بیلدیرلدی .

ایجابی لدی التذکر مدعی علیه کی مبلغ مدعا به ایله محکومیتی حقنده جهت مدیه و قانونیه سی ندیقندن اول مبرز هندک وعده دن عاری اولمسی و مصرح بولان جهتی اعتباریه رأساً وظیفه جهتی نظر اعتباره آلنه رق اول باول بوجهنک حلی مذاکره اولندقدن مستند ادعا اولان سند امره محرر ایسه ده سندات مماثلنک قانون تجارتنک ۱۴۵ نجی ماده سی موجبجه محتوی اولمسی ایجاب ایدن شرائط ارکانندن بولنان وعده نك مفقودی

و جهت سندك دخی معاملات عادیه دن منبعث بولنسی حسیله ماده مذكوره و ذیل قانون تجارتك ۲۷ نجی و اصول محاكمه نك ۴۸ نجی ماده لری موجبیه دعوی حاضره نك فصل و ۷ نجی محكمه نك وظیفه سی خارجنده اولغله مدعیك دعوی استدعا نك ردینه و ذكر اولان اصولك ۱۳۸ نجی ماده سی حکمنه توفیقاً اولابده کی مصارف محاكمه نك مدعی مومی الیه عائدیتنه غیاباً و متفقاً قرار ویریلدرك مدعی به تفهیم قلندی .

در سعادت تجارت بحریه محكمه سندن صادر اولان ۱ تشرین اول سنه ۳۲۷ تاریخلی و ۷۱۴ نومرولی اعلام صورتیدر :

نام نامی حضرت ماکداری به اجرای محاکمه و اعطای حکم اتمک اوزره در سعادت تجارت بحریه محكمه نك ۳۲۷ سنه سی تشرین اولك برنجی صالی کونی بعد الزوال ساعت برده ایاصوفیده دائره مخصوصه سنده انعقاد ایدن جلسه نك اعطا ایتدیکی اعلام .

مدعیلر : تبعه عثمانیه دن غلطه ده لاجورد خا نه مقیمان دالمیقو و قومپانیه سی .
مدعیلر وکیلی : تبعه عثمانیه دن غلطه ده عابد خا نه مقیم دعوی وکیلی آلبرت اره را افندی (۵ مایس سنه ۳۲۷ تاریخلی بك اوغلی بدایت محكمه سی مقاولات محرر لکندن صدق دالمیقو و قومپانیه نك له وعلینده وقوع و بولمیش و بوله حق دعاویدن طولانی درجات محاکم کافه سنده محاکمه و خاصمه و اشهاد و استشاده تحلیف و تحلفه میز و اهل خبره و حکم تعیین و عزانه و کشف طلبنه و حجز وضع و فکینه پروتستو کشیده و جواب اعطاسنه و امضاسیله لواحق تنظیم و اعطایه طلب افلاس و قوقورداتو عقد و فسخنه و سندیک تعیین و عزانه و اعلامات مستحله احکامنك تنفیذنی طلبه و آخری توکیل و عزله و الحاصل متوقف اولدینی امورک کلیسی ایفایه مآذونیتنی حاوی وکالتنامه عمومی موجبیه ،

مدعی علیه : قالقاندلنده جلب شهاب حاجی مصطفی اغا .
وکیلی یوقدر .
اساس دعوی عرفحالی .

جهت دعوی : دالمیقو قومپانیه نك در سعادته ابرازنده تأدییه اولتمق اوزره بر قطعه پولیچه ایله مدیون ذمتنده الی بش لیرای عثمانی آله جنی واردر مبلغ مذکور هر نه قدر طلب ایدلمش ایسه ده مدیونك تأدییه دن امتناع ایتکده اولدینی در میان ایدیلور . اسباب ثبوتیه مدعی دعواسنی مدعی علیه قبول و امضای ایدیکی ۱۴ تموز سنه ۱۹۱۰ تاریخلی عرفحاله مربوط بر قطعه پولیچه به بنا ایتکده در .
نتیجه مطلوبات : اولاً پولیچه نك حاوی اولدینی الی بش لیرا رأس المالك ثانیاً استدعا تاریخندن اعتباراً

حین تأدییه سنه دکن ایشلیه جك قاضك ثالثاً وقوع بوله حق مصارف محاکمه و اجرت وکالتك شهاب حاجی مصطفی افادن تحصیل طلبندن عبارتدر .
مدعیك برنجی لایحه سی .

مسائل مادیه : مدعی علیه مدعی الی بش لیرا بورجلی اولوب اولدینك تدقیقندن عبارتدر .
اسباب ثبوتیه : مدعی علیه الی بش لیرا دینی اولدینی لایحه به مربوطاً اعطا قلنان بر قطعه پولیچه به مبتی اولوب مدعی علیه امضاسنی انکار ایدر سه تدقیق خط خاتم ایچون میزله حواله سی طلب و امضا مدعی علیه اولدینی تحقق ایتدیکی تقدیرده امضاك کندی طرفندن وضع ایدلمش اولدینغه یمین تکلیف ایدلمکده در .
مسئله قانونیه : مدعی علیه مبرز پولیچه ده کی امضاسنی حاوی اقرار بالکتابه سیله الزام و مصارف محاکمه و اجرت وکالت مع اجرای موقت تأدییه محکوم ایدیلوب ایده بیلمیه چکی خصوصیدر .

ادلّه قانونیه : مجله نك ۱۶۰۶ نجی ماده سیله آنی ولی ایدن موادك و اصول محاکمه حقوقیه نك ۳۱ نجی ماده نك احکام صریحه سنه توفیقاً مدعی علیه مبرز پولیچه ده کی اقرار بالکتابه سیله الزام اولنه جنی شهادت وارسته در مدعی علیه فائض تأدییه مجبوریتی اصول محاکمه نك ۱۱۲ نجی و حقسز چقان طرفك مصارف محاکمه و اجرت وکالتی تأدییه مجبوریتی اصول محاکمه نك ۳۸ نجی و دعوی وکیللری نظامنامه نك ۲۱ نجی ماده لرنده مصر حدر .

نتیجه مطلوبات : اسباب بدو طیه بناء مربوط ۱۹ تموز سنه ۳۲۷ تاریخلی اساس دعوی عرفحالی محتویاتی تکرار و تأییددن عبارتدر . لایحه به مربوط پولیچه مندرجاتی (ابرازنده دالمیقو و قومپانیه سی افندیلرک امرینه یالکیز الی بش لیرای عثمانی تأدییه ایدیکیز موجبیه حساب قید ایده جکسکیز بدلی تقدأ آلمشدر) ۱۴ تموز سنه ۱۹۱۰ دالمیقو و قومپانیه سی وزیرنده عینی تاریخ ایله شهاب حاجی مصطفی طرفندن یازیلان (استانبولده تأدییه ایدلمک اوزره قبولیدر) عباره سی محتویدر .
مدعی علیه برنجی لایحه سی :

مسائل مادیه : مدعی الی بش لیرای حاوی پولیچه زیرینه موضوع مهر کندیسنك و مبلغ مذکورده دینی اولدینی اقرارله برابر مدعی دالمیقو و قومپانیه سیله سکن سنه میانه لرنده عقد اولان شرکندن بر نتیجه حاصل اولماسنه و درت بش سنه دهری بیک ایرادن بیک بشیور لیرایه قدر بارده سی هر سنه بر قاچر آی مذکور قومپانیه ده قالمقده و اشبو مبلغ بالطبع معطل بر اقلیموب قومپانیه طرفندن معسالمه صرافیه ده قوللانیمق صورتیه استفاده ایدلمکده و حاصل اولان منفعتندن کندیسنه ده بر حصه افرازی طیبی بولمقده اولمسنه و میانه لرنده بر محاسبه اجراسی ضمنتده در سعادته کله جکسده حساب الزوم ایلول غایه سنه قدر قالقاندلنده قالغه مجبور بولنسنه مبنی محاکمه نك رؤیت محاسبه نتیجه سنه قدر تعلیق طایح حاویدر .

نتیجہ مدافعتی : دینک تاخر تسویہ می عجزندن اولیوب ویانہ لرنده کی شرکتدن طولانی معاملات صرافیه ده قولانمش اولدقلری پاره نك حاصل ایتدیکی ربجدن حصه سنه اصابت ایده جك مقدار پولیچه بدلنی تسوییه کافی وشو صورته محسوب معامله سی اجرا ایدلمش بولندیغنی ظن ایتمکده اولدیغندن و بوده نتیجه محاسبه دن آ کلاشیه جغندن محاکمه نك رؤیت محاسبه ایچون ابلول غایه سنه قدر تعلیق طامنندن عبارتدر.

مدعی وکیلنک جواب علی الجواب لایحه سی :
مدعی علیه جواب لایحه سنده کی افاداتی نه بردفع ونده بر دعوی حادثه تشکیل ایتیمه جکندن قانوناً
جوابدن مستغنی نواندینندن بر موجب دعوی اقراری وجهله مدعی علیه مع اجرای موقت محکومیتی طلبندن عبارتدره
تشکیل طرفین : مدعی وکیل موصی الیه البرت اهره افندی یوم معینده محکمه یه کلهزک مدعی علیه
شهاب مصطفی اغایه قانقاندلن بدایت محکمه سی ریاتی معرفتیه تبلیغات قانونیه ایفا قلندینخی حالده یوم معینده
محکمه ده اثبات وجود ایتدیکنندن مدعی وکیلک طلبی و اصول محاکمه حقوقیه قانون مدینک اون سکنزنجی
ماده سی موجبنجه مرقوم حقنده غیاباً رؤت محاکمه ابتدار اولنوب مقام ریاستدن سوز ویرلاکده آره را
افندی عرضحال و لایحه لری خارچنده بر دیه جکی اولمندیغنی سولیکله ختام محاکمه افهام اولندی .

مذاکره :
حل. اوله بق مسائل مادیه و قانونیه : مدعی علیه دفع واقع نظر دقتہ آلوب آلمیہ جنی و مدعا بہ ابلہ الزام آلوب اولمیہ جنی خصوصاً بتندن عبارتدر . لایحه مذکورده اساس دین قبول ایدیلرک شوقدرکہ مبلغ مزبورک مدعی قومپانیہ نزدینہ مودوع نقودینک ربحدن تنزیل صورتیلہ تأدیہ سی ایچون قریباً درسعادتہ کلہ جکنہ دن بختلہ استمهال ایلمی بولیچه نک وعدہ سنده تأدیہ سی مجبوریتی غیر سالب اولدیغندن و چونکہ بویله بر رفع نقاص و محسوب طلبندن عبارت اولوب حالبوکہ مدعی علیہ مدعی ذمتده نہ محکوم بہ بر آله جنی موجود ونده بویله بر مطلوبک وجودینہ دائر مدعینک اقراری مسبوق بولندیغندن دفع واقع شایان قبول اولمیه جنی مدعی علیہ مدعا بہ الی بش لیرای عثمانی تدین ایدوب قضیہ مدعینک ابراز ایدیلکی بروجه بالا بولیچه یہ مستند اولدیغندن محاکمہ نک غیاباً جریانہ مبنی مدعی علیہ دن مارالذکر الی بش عثمانی لیراسنک مع فائض و مصارف محاکمہ واجرت و کالت تحسیلی ایجاب ایدہ چکی تقرر ایتشدیر . اصول محاکمہ حقوقیہ قانونی ذیلک اون سکرینجی ماده سنک فقرہ اخیرہ سی شوصورتلہ اعطای حکمک جوازندن باحث بولندیغنی جهتلہ مدعی علیہ مبلغ مدعا بہی تأدیہ یہ محکوم اولمیه چکی کبی مجله احکام عدلیہ نک ۱۶۳۲ و ۱۶۰۹ نجی ماده لری موجبہ مدعی علیہ ک اقرار بالکتابہ سیلہ الزام اولمیه جنی طیبی اولدیغندن و اصول محاکمہ نک ۱۱۲ و ۱۳۸ نجی ماده لری منطوقیہ فائض و مصارف محاکمہ واجرت و کالت ایلده مؤاخذہ اولمیه یلور . اسباب موجبہ مذکورده مدعا بہ مذکور الی بش لیرای عثمانینک استدعانک تاریخ قیدی اولان

۲۳ تموز سنه ۳۲۷ تاريخندن اعتباراً حين تأديه سنه دكين فائض نفل - اميدسيه مدعي عليه شهاب حاجي مصطفى
آغادن بالتحصيل مدعي دالمديقو قومپانيه سنه اعطاسنه وزيرده مفرداتي مرقم درتيوز اون يدي بحق غروش
مصارف محاكمه واجرت وكالتك ده مدعي عليه عايدتيه واسه باب قانونيه اقراران ايدميه - ان اجرای موقت
طلبت ردينه ۲۰ شوال ۱۳۲۹ و ۱ تشرين اول سنه ۳۲۷ تاريخزده بالانفاق غياباً قرار ويريله رك تفهيم
قلندي .

معامله انتفاعیه

لاپسکی قضاسی ناٹی و بديات محكمه سى رئيسى محمد امين بك باش كاتب احمد افندي بى تحقير ايدى دك وظيفه ماموريتى سوء استعمال ايلديكى امور جزايه دائره سنجه تدقيق اولنان تحقيقات اورا قندن نمايان اولمسنه و حركت واقعه سى مسئوليت قانونيه بى مستلزم بولمسنه بناء مومى اليك تحت محاكمه كيه آلمسنه عدليه نظارت جليله سندن امر ماذونيت اعطا اولمشدر .

دیرک قضاسی مستنطقی قرہت افندی و محکمہ باش کاآبی ابراہیم افندیلرک وظیفہ مأموریتلرینی سوء استعمال ایلدکلاری امور جزائیہ دائرہسینجہ تدقیق اولنان تحقیقات اوراقدن مستبان اولسنہ و حرکت واقعلری مسئولیت قانونیہینی مستلزم بولنسنہ بناءً موصی الیہمک تحت محاکمہ آفلرینہ عدلیہ نظارت جلدلہسندن امر مآذونیت اعطا اولنشد .

چرمیک قضاسی بدایت محکمہ سی اعضا سندن رئیس و کیلی محمد علی واعضاد مستنطق طانیل افندیلرک رشوت اخذیلہ وظیفہ مأموریتلرینی سوء استعمال ایلدکلری امور جزائیہ دائرہ سنجہ تدقیق اولنان تحقیقات اور اقدن نمایان اولسنہ و حرکت واقعه لری "مسئولیت قانونیہ بی مسئولتم بولنسنہ بنساء" مومی الیهمک تحت محاکمہ آلملر سنہ عدلیہ نظارت جلیلہ سندن امر "مأذونیت اعطا اولنمشدر .

عدليه نظارت جلیله سندن ویریلان امر اوزرینه تحت محاکمه آلان مأمورین عدليه حقنده مرجع
قانونیلرندن اتخاذ اولوب نظارت مشارالیه اجه قبول ایدیلان مقررات
مقدمه محاکمه ضابطه سی تغییر و تبدیل ایتدکرندن دولای تحت محاکمه آلان ابواجق قضایی نای
و بدایت محکمه سی رئیس صدق و اعضاء رضا و اعضا وکیل باش کاتب ابراهیم افندیلرک بر آباق معاملری
نسبتده جزای هدی ایله محکومیلرینه دایر قلمه سلطانیه جزا محکمه نندن ویریلان قرارک امور جزائییه جه
بالتدقیق موافق قانون اولدینی کورولمشدر .

**

مقدمه حاصلاتی و قتیله مال صندیغه تسلیم ایتدیکی آکلاشدیغندن دولای تحت محاکمه آلان آیدین
سجانی مقاولات محرری غالب افندیلرک بر آباق عائداتک جزاء قطعه دایر آیدین بدایت محکمه سی هیئت
عمومیه سندن صادر اولوب استیناف مدعی عمومیلر سندن وارد اولان اعلامک امور جزائییه جه بالتدقیق موافق
قانون اولدینی کورولمشدر .



قصد قتل

قتل قصدیه جرح ، جنایتی جنجه می در ؟
قانون جزائک تعدیلات اخیریه سیاه رفع و تغییر اولونان بعض احکام ، — تطبیقات مماثلله ایله تقرر ایده جک
زمان حکمه سندن دولای — عندالحاکم موجب اختلاف اولاجق ماهیتده در .
از جهله قتل قصدیه جرح فعلک هانکی ماده قانونیه موافق بر جرم تشکیل ایده جکندن شمیدی به
قدر ظهور ایدن برایکی مثاله نظرآ ، حتی عین مرجع حاکم لنجه بیله مشهور اولان اختلاف رأی و نظری
ارباب کرام حقوقک استیجاب آرا و مطالباتیه لایق کوردیکندن توضیحاً للمسئله تفصیل مرام ایله تمی
تشریحانه جرأت اولونور .
معلوم اولدینی اوزره احکام عقوبات شرعیه قصد قتل استعمال اولونان آلت جارحه به نظرآ مقدر
اولارق عادة قتله مفضی هر هانکی بر آلتله ایضاع ایدیان جرحی قتل قصدیه مقرون عد ایتدکده ایسه ده
قانون جزائک یوز آتمش سکزنجی ماده سی تلف نفسه منجر اولاجق هر هانکی بر حرکتی قتل ایله تعریف
ایتمسه کوره ولو بلا آله ایضاع اولنه جق بر جرحک دخی قصد قتله مقرون اولایله جکنی قبول ایتش
اولدینی ظاهر و شو حالده بلا آله واقع بر جرحده قصد قتله دلیل اولاجق احوال سائرک لزوم تحریر سنده کی
ضرورته نظرآ جرحک تلف نفسه مفضی بر آلتله وقوعی حالده دخی — خلافی تأیید ایده جک دلائل
و قرائن موجود اولونجه — محضاً آلت جارحه ایله ایضاعی قصد قتله دلیل مجرد عد ایتدیکی مستدل در .
بر کره بواساس نظر اعتباره آلتدقندن صکره قانونک اشبوفعلی نه صورتله تلقی ایتش اولدیغه توجیه نظر
اولونجه : کرچه یوز سکسانجی ماده سابقه نک « جرح ذاتاً قتل قصدیه اولوبده » فاعلک یداختیارنده اولمایان
اسباب مانعه حیلولتیله [ماده قتل فعله چیه مامش] اولسی طرزنده کی توصیف جرمیه سنه و تعدیلات اخیریه ایله
حکم مذکور رفع اولوندینی حالده قرق آلتنجی ماده جدیدک وضع ایتدیکی قواعد ثلاثه دن بشقه بو باده
بر حکم صریح علاوه اولونامه سنه کوره جرم مذکورک عتیق و جدید قانونلر نظرنده دخی بر قتل تشبیهی
عد اولوندینی ظن اولونه بیلر سنده بو اعتبارک جرمک کافه صور و احواله تشبیهی و بناء علیه هر نه صورتله
اولورسه اولسون آلت جارحه ایله وقوع اولان بر جرحک حصوله کلمه مش قتل تشبیهی عدیه قرق آلتنجی
ماده به توفیق مقصد قانونه مخالفدر

چونکه عبارت قانونیه کوره تشبث : تصمیم اولونان هر هانگی بر جنایتی یا حین بدآنده ویا افعال اجرائیه سنک اکیلیه برابر فاعلک بر اختیارنده اربابیه اسباب مانعه حلیتله میرانه کنیره مکمره عبارت اولسنه کوره اولاً تصمیمه اقتران ایتمین ، ثانیاً بالاخیار فراغت اولونان ، وثالثاً حد ذاتنده بر جرم تشکیل ایده جک بر فعل میدانه کلن افعالک احکام تشبیه خارجنده قالاچنی قانونک متن وعباره سندن استدلال اولونور شو حالده بلمازعه تهوراً و آلت جارحه ایله وقوعبولان بر جرحک تصمیمه مقتن اولمامسی دولایسیله قتل تشبث عدی جائز اولیه جنی کی تصور وتصمیم ایله ومثلاً یوانی بکله یدرک ابقاع اولونان فقط قتل مفضی اولمادینی مجروحک بالفرض فراره باشلامسیله تعین ایدن و جرحک تأکید وتکریری ومثلاً ایکنجی بر قورشونله موته انجاری هر صورته ممکن ایکن جرحک ایکنجی بر قورشون انداخته لزوم کورمه یدرک بر اقوب محل اختفادن بالاخیار آیرلسی ایله تمام اولان جرحکده کرک جارحک بالاخیار فراغت ایتیمی قصد قتلک خلافته قوتلی بر دلیل اولمق و کرک فعل و حرکتی باشلیجه بر اثر و ضرر مادی انتاج ایتک اعتباریله تمام اولمش مستقل بر جرم اولاجنی و بناء علیه تشبث احکام قانونیه سندن خارج قالاچنی ضروری کورلمک لازم کلیر .

زیرا قصد قتل دلالتی تأیید ایده جک احوال موجود اولدینی حالده بالهور وقوعه کلن ویا خود ایکنجی مثاله موافق اولارق ابقاع اولونان بر جرحک قتل تشبث تلقیسیله قرق آلتنجی مادهیه تطبیقی ، محاکمی قانوناً الزام اولونمایان بر خصوصک بدون المأذونیه تقدیر حال ایله التزامی ورطه سنه دوشوره جکی آشکاردر . دیگر طرفدن هر ایکی احتمال جرمینک مجرد قتل قصدیه سلاح چکوبده ید اختیارنده اولمایان اسباب مانعه حیلولیتله ماده قتل فعله چیقمامش اولدینی حالته عائد اولان یوز سکسانجی ماده علاوه سنه توفیقی ده ممکن اولاماز . چونکه ذیل قانون ، مجرد سلاح چکمه دن باحث اولوب سلاح چکمه نک نتیجه سنده حصوله کلن جرح فعلنه ساری وشامل اولمایه جفتدن بوضورتله ابقاع اولونان بر جرحی ذیل مذکور احکامنه تابع طومتق : « مادام که شو موضعده بدون الجرح سلاح چکمه قانوناً جنایت در ؛ جرحه منجر سلاح چکمه ده اولویتله جنایت اولمق لازم کلیر . جرحه منجر سلاح چکمه حقتنده ایسه بر حکم صریح جزائی اولمادیغندن تفسیره لزوم درکاردر . شو حالده عندالتعمیق یوز سکسانجی ماده ذیلنده مذکور سلاح چکمه تعبیری مادام که مطلقدر ؛ سلاح چکمه نک بوتون نتایج و ملزوماتنه شاملدر جرح ایسه سلاح چکمه نک نتایج طبیعی سندن اولمغله قتل قصدیه جرح فعلی بوماده مدلولاتی میانته داخلدر » یولنده بر قیاس وتفسیره استناد ایتک اولور . حالبوکه قیاسک احکام جزائیه ده عدم جوازی برنجی قسمک مردودیتنه کافی اولدینی کی تفسیر دخی بر متن وتعبیرک معنی واصطلاح متعارفه سیله مقید بولوندینی جهته نفی صریح اولمادجقه مدلول مستعملی خلافی التزام غیر جائز اولسنه و « سلاح چکمه » تعبیرینک خواص وعواجه مدلول مستعملی : سلاحی بلندن یاچیندن

جقاروب ویا اوموزندن ایند یروب هدف مقصوده توجیهه مقصور اولمغله برابر احکام عمومیه قانونیه دن واجتهادات محاکمندن استدلال اولوندیغنه کوره بر درجهیه قدر استعمال مجرد دخی مشمول بولونسنه بناء عرفاً واصطلاحاً سلاحک تشهیری عقبنده منع اولونمق ویا تنکنی چکوبده آتش آلامق ، آلوبده اصابت ایدمه ک کی توجیه ونهایت استعمال سلاحه انحصار ایدن بر تعبیر مدلولانی جرحه تشمیل ایتک قواعد تفسیریهیه غیر موافق اولدقدن بشقه مقصد قانونده مخالفدر .

زیرا که تشهیر ، انداخت و جرحه منجر اولورسه تشهیر ایله ابتدا ایدن تشبث استعمال واصابتله اتمام واکال ایدمش وحتی فاعلک مقصدی حاصل اولمش اولسنه بناء آرتق سلاح چکمه فعلی دکل ، بلکه قانونک مستقلاً وبذاته جرم عد ایتمش اولدینی جرح فعلی میدانه کلش اوله جفتدن سلاح چکمه نک موضوع بحث اوله مامسی طبعیدر .

شوحالده مسئله قتل قصدیه جرح جرمینک هانگی ماده قانونیه تماس ایده جک کی تعیننه راجع اولورکه شو نقطه نظردن تدقیق وتعمیق اولدینی تقدیرده جرح مطلق احکامندن باحث اولان ۱۷۸ و ۱۷۹ نجی ماده لردن بشقه برصراحت قانونیه کوستریله من .

کرچه فعل مذکورک یوز یتیش سکزنجی مادهیه تطبیقی جرم ایله جزا بیننده نسبت عادلیه غیر مقتن اوله جفتدن ناشی وضع قانونک بر رککی اولان قضیه صلاح وانباهی تأمین ایدمه جکی وبا خصوص جرحی انتاج ایتیمان وقصد قتل مبتنی بولنان تشهیر واستعمال سلاحک قانوناً جزای تهریبی مستلزم ایکن تشهیره نسبتله فضله اوله رق برده مادی بر تأثیری حائر اولسی اعتباریله اشد بولنان قتل قصدیه جرح فعلنک جزای تأدیبی موجب عدی ، جرائمک ماهیت واهمیتی اعتباریله نظر واضعندن دور قالماسی لازم کلن نسبت ومماثلت جزائیه اساسی بر طرف ایده جکی اعتراضی تولید ایده بیایرسده حکامک نقطه نظری مجازات قانونیه نک جرمه نسبتله مؤثر ولایقی تعیننه دکل ، هر جرم ایچون قانونده معین اولان جزایی تحری وتطبیقه معطوف اولسنه کوره جرائم بیننده نسبت ومماثلت جزائیه تحریبی خارج صلاحیت اوله جنی . . وشو اعتبار ایله عندالتدقیق : ۱۷۴ ، ۱۷۵ ، ۱۷۷ ، ۱۷۸ ، ۱۷۹ ، ۱۸۳ ، ۱۸۵ ، ۱۸۸ ، ۱۸۹ نجی ماده لر احکامنه نظر آ قانونک ؛ تلف نفسی انتاج ایدن وبر مجبوری ویا معذرت ویا خطایه اقتران ایلین جرحلرک ماعداسنده یالکیز جرمک نتایج مؤثره مادیه سنی نظر اعتباره آله رق بونتایج اعتباریله مجرد قصد جرمیه مبتنی جرحلری :

۱ — هر هانگی بر عضوک عملدن سقوطنی انتاج ایده جک ، ۱۷۷ .

۲ — یکریمی کوندن زیاده مدتده النیام بوله جق ، ۱۷۸ .

۳ — بوندن آز زمانده زائل اوله جق ، ۱۷۹ .

درجه ده کی تأثیراته کوره باشلیجه اوج قسمه آیرمغله اکتفا ایدوب اشو جرحک نه صوتله ونه مقصدله وقوع بوله جقنی موضوع بحث ایتامسی وبالخاصه قتل قصدیه جرح فعلی اولجه بر جرم مخصوص اوله رق

مند کورایکن بوبادہ کی حکم استثنائیتی اخیراً رفع ایدوبندہ بشقہ جہ بر حکم درج ایتامسی ، وبکرمی کوندن زیادہ امتداد ایدن جروح ایچون یوز یتش سکزنجی ماده ایله برحد انتہائی وضع وتعیین ایتدیکندن طولای بومندن زیادہ اولق اوزره هر نه قدر امتداد ایدرسه ایتمین بالجله جروحك اشبو ماده دائره شموله دخولی طبیی بولمسی ، واضع قانونك ؛ خطاء ویا مجبوراً ویا معذرة ایقاع ایدلمیان . . . وتلف نفس ویا اسقاط عضوی انتاج ایتمین . . . واثری یکریمی کوندن زیادہ امتداد ایدن . . . هر هانکی بر جرحك اشبو یوز یتش سکزنجی ماده حکمنه دخوانی قصد ایتش اولدیغنه دلالت التزامیه تشکیل ایتسنه بناء جرح ، هر نه ایله ونه صورت ومقصدله وقوعه ولورسه بولسون - بالطبع صورت ایقاعنده کی درجات شدت وخفت کوزه تیلک شرطیله - اشبو ماده قانونیه تطبیق احکام اولنه رق مجازات معینک تاثیر کوسرتوب کوسرتیمه چکی ویا بالعکس تاثیر معکوس کوسرتیه چکی جهاتک تدقیقی مراجع عائدسینه . براقی مقصد قانونه دها موافق بوانسه جنی . . . ظن اولنور .

مع مافیہ ، شمیدی به قدر جنایت عد ایدلمش اولان بوبله بر قملک جنحه تلقیسی ارئه ویا اشرا بایده جک نه نظارت جلیله ک اسباب موجب لایحه سند ونده مراجع تشریعه انجون مضبطه لرنده بر قید وایضاحات کوروله مدیکی کی هنوز بوموضعده بر اجتهاد تمیزه دخی اطلاع حامل اولدینی جهته مقصد قانون بالعمل تبین ایتامش اولدیغندن بوبادہ تنویر افکاره بادی اوله جق آراء صائبه ومطالبات عالمانیه وسیله اولور اعتقادیه تمی تشریحاته جرأت اولوندی .

پراپه جزا ریسی

فصل المربع

قانون جزانک مواد قائمه ومعدله سی شرحی

(مابعد)

— شرح —

بوماده تهیدید جرمنه دائر در . فقط شوراسی اول امرده معلوم اولق کر کدر که هر درلو تهیدید نه اولورسه اولسون بلا تقریق جرم عد اوله ماز . قانون آنجق اونوع تهیدید لری جزا لیدر یور که غایتی اشخاص حقنده ایقاع مخاطره ومضرت اوله وبوبادہ تعمیری مثبت اولان احوال ایله مترافق بولنه ، بناء علیه مستلزم مجازات اولوب اولماماری اعتباریه تهیدیدی « menaxe » ایکی به تقسیم ایدوب بریسنه تمیزه ماری « menaxe simple » دیگرینه تمیزه ماری « menaxe criminelle » دیه بیلاورز . تهیدید عادی ؛ حدت وهور آره سند سوبلیلان وقصد وتصمیمه مقارن بولمیان تهیدید لدر . مثلاً

تیز میزاج کسه لک ، منازعه لسانیه آره سند مخاطبه « اولان سنی اولدیرم ، یاخود قفا کی نه زهرم » قیلندن تفوه ایلدکاری هر زهر لک کی بونلر بوماده ک موضوعی اولان تهیدید چله سندن دکلدر ، زیر امتفوهه ، اولدیرمکی یاخود قفا ایزمکی تصور وتعمیم ایتش ایدی دینله من .

حالبو که تهیدید جرمی بوبله دکلدر . تهیدید جرمی بر نوع اکر اهدر که اکر اهدر فصل مجبر مکرده بی قصد ونیت ایتش اولق لازمسه تهیدید جرمیده دخی اوله جیه تصور وتصمیم لازمدر . مثلاً بریسی دیگرینی قتل ایله تهیدید ایدرسه آنی اولدیرمک نیتده اولدینی اکلشملیدر . بونیت آکلشمازسه تهیدید ؛ تهیدید عادی اولور .

قالدی که تهیدید جرمینک ده انواعی واردر . تهیدید بعضاً مطالب وتکالیفی متضمن اولور ، بعضاً ده اولماز مطالب وتکالیفی حاوی اولمیان تهیدید مجرر اولانه تهیدید مرکب دیه بیلاورز . مثلاً برکسه دیگرینه سنی اولدیرم جکم دیه مکتوب یازارسه بوتهیدید مجرد اولور . اما بکا شوقدر پاره کوندنرمن ایتسه سنی اولدیرم جکم دیه یازارسه تهیدید مرکب اولور .

کذلک تهیدید جرمی صورت اجرالینه کوره دخی انواع مختلفیه تقسیم اولنه بیلاور شوبله که تهیدید یاغافا اولور ویاخود امضالی ویا امضای کاغذ ویا آدم کوندنرک اولور ، برنجی نوعه تهیدید « بلا واسطه » ایکنه جیسنه تهیدید تحریری ویا واسطه دیه بیلاورز .

شیمدی بومقدمه وتقسیمدن صکره متن مادهیه کلمه :

بوماده ؛ هر بر فقره سی تهیدیدک بالاده تعریف ایدیلان انواعندن بعضیسینه مخصوص اولق اوزره درت فقره دن عبارتدر بونلری برر برر ابضاح ایدلم :

برنجی فقره ، تهیدید مرکب اولق . برابر بالواسطه ایقاع اولان قسمته عائددر . بوتهیدیدک اک آغیر نوعی اولدیغدن جزای ده دیگر فقره لره کی تهیدید لک ضدانه نسبتله دها آغیر اوله رق تعین اولمشدر . چونکه تحریرات و آدم کوندنرک کیفیتلری قاعلک ایقاع مضرت ده اولان عزم وثباتنه دلالت ایدر . آنچه وباشیا طایی ایتسه تهیدید مجرری مضرتدن ملعدا برده غصب اموال کی حق سزاق وظلمی ده متضمن در . بونوع تهیدید طبقی اکراه ملجی کیدر . مکره اولان کسه یی پک دهشتی بر حال وسوسه وتردده پک وک اندیشه یه القا ایدر . تکلیفی ایفا ایتدیک حالد باشنه کله جک بلایی مخاطره یی بوجهله ذهندن چیقارده ماز . او بیچاره ک بوجهتله بتون بتونه حضور وراحتی منسلب اولور . یالکیز آنک دکل بوبله برلا کیدیلرینک دخی باشنه کملک احتمالی دوشون بر جوق اشخاصک ده راحتی قاجار ، بوحالک حصوله کتوره چکی دهشتک آیشیه فوق العاده سوء تاثیر اوله جغه شبهه یوقدر . بالواسطه ۱- بعضی تکلیفاتده بولور ایشته اکر بر شخص بالاده تعریف اولدینی وجهله برکسه یه ۲- بعضی تکلیفاتده بولور

۳ - تکلیفاتی اجرا اولدینی حالد اوکسه یی قتل ایتک کبی اعدام و یا مؤبد کورک جزاسنی مستلزم برجنایتله تهدید ایدرسه موقه کورکه قونیلور .

بوندن ماعدا شوراسی ده شایان ذکر درکه تکلیفاتک فمل حقنده مثلاً آچه کوندرمک خصوصاته معطوف و متدائر اولسی شرط دکلدرد . ترک جهته ده معطوف اوله ییلور مثلاً برحاکمه سن فلان خصوصک محاکمه سنده بولنه و یا بر نتیجه سن قطعاً رأی ویرمه مستحکف بولون و یا بر ناجره سن فلان چارشوده دکان آچهدیه تکلیفاته بولنق کبی .

کله لم ایکنجی فقره یه : بوققره تهدید مجرد یعنی تکالیفی حاوی اولمان فقط برنجی فقرده کوسستریلان صورتده وقوع بولان تهدیده متدائر در . بونک جزاسی اولکندن خفیف در . زیرا مطالب و تکالیفی حاوی اولمانسنی تهدیدک ، اموال نامی اخذ و ضبط و یا اخلال حقوق مقصدیه دکل انجق تهدید اولان کسه یی حال دهشته القا ایتک آرزوسیه اجرا ایدلش اولدیغنه دلالت ایدر . بنسأ علیه بونوع جرمیتده برنجی نوعه مساوی دکلدرد . بونک ایچون برسنه دن اوج سنه یه قدر حبس ترتیب اولمشدر .

اوچنجی فقره ایکی صورتی محتوی در .

برنجی صورت : برنجی فقرده محرر مطالب و مضرت ایله فقط مفاهاً وقوع بولان تهدید در .

ایکنجی صورت : تهدید ، دکل مفاهاً الا تحریراً و بالواسطه وقوع بولقله برابر ده خفیف بر مضرت

یعنی جنایتی متضمن اولمسیدر .

بوهرایکی صورتده می تهدید مرکب جمله سنندن در . بیلرنده کی فرق برینک شفاهی اولدینی حالد مضرتنک دها آغیر دبکری تحریری و بالواسطه اولدینی حالد مضرتنک دها خفیف اولمسیدر .

تهدید شفاهی ، مرکب اولورسه یعنی بعض مطالبی متضمن بولورسه حدت و غضب انسانیده بلا تأمل اجرا ایدیلان تهدید قیلندن اولماز . او تصور و تصمیم نتیجه سی و قصد اجرائی یی حاوی اولدیغدن برته لکه شکلی آلدور . فقط بوته لکه ، تحریری تهدیدک ته لکه سنندن نقصان در . زیرا فاعلک نقصانی جسارتنه دلالت ایدر ایسته بو سببدن دولای جزا تخفیف اولمشدر . ایکنجی صورتده کلنجه هر نه قدر بویله بر سبب ضعف یوغیسه ده مکره به دها خفیف اولدیغدن بودخی برنجی صورتده بوسببدن دولای معادل عد اولنمش وهرایکی صورت ایچون اوج آیدن اوج سنه یه قدر حبس جزاسی تعیین اولمشدر .

دردنجی فقره یه کلنجه بوده تهدید مرکبه دائر ایکی صورتی حاوی در ، برنجی صورت مکره نهک مجازات تأدیه یی مستلزم اولسی ، ایکنجی صورت ایسه تشهیر ناموس « Chantage » دن عبارت بولنسی در . معلوم اولدینی اوزره یوقاریده ایضاح ایدیلان هر اوج فقرده دخی مکره به جنایت قیلندن ایدی . یعنی وقوعه کتوریه جکی بیسان ایدیلان مضرت قتل ، احراق و تعطیل عضو کبی شیلر ایدی . بو دردنجی فقره نک برنجی صورتده ایسه جنحه قیلندن در . یعنی ضرب و جرح عادی کبی شیلردر .

کل کله لم بوققره نک ایکنجی صورتنه ، تشهیر ناموس ایله تهدیده : تشهیر ناموس نه دیمکدر ؟ - برکسنه نک کندی معیوب و مذموم بر حالنک ، انشا اولنه جغندن متحصل اولان خوف و خشیتق جر منفعت و سیله اتخاذ ایتک دیمکدر . مثلاً وقتیه معامله غیر مشروعه ده بولنمش برقادینه « بکا شو قدر پاره کوندرر ایسه ک کوندرر یوقسه سنی رسوای عالم ایدرم » دیمک کبی . بو معامله یه ترکیه فسنه بوغرق ، معیب کسه یه ده قسلی دیرلر . ایسته بوهرایکی صورت ایچون ده برهفته دن برسنه یه قدر حبس تعیین اولمشدر . بوماده غایت دقیق اولدیغدن تطبیقنده چوق دقت لازمدر . بروجه مشروح اول باول تهدید واقع تهدید عادی میدر ؟ یوقسه تهدید جرمی میدر ؟ بوراسنی تفریق ایتلی . هر می اولدینی تقدیرده مرکب و یا بسیط می در . و شفاهی می یوقسه تحریری و بالواسطه می در ؟ بورالری ایوجه تفریق و تعیین ایتدکن صکره ایسته او وقت تطبیقات جزائییه کیریشلمیلیدر تهدید جرمی یی تهدید عادی دن تفریق ایتک قطعاً ذهول اولنه جق شیلردن دکلدرد . تهدید جرمی هر حالدده تعمری متضمن اولور . تهدید عادی تعمدی متضمن اولیوب دائماً اثر تهور در . محکمه وقعه نک احوال متفرعه سنی ایوجه تدقیق ایدوب عجباً بو تهدید دنیلان شی شویله برقوری لاف و کذا فدن ، تفخردن تکبردن دها طوغریسی ترکیه سی قوری قوروننودن بوش بوغازلقدن می عبارتدر یوقسه مکره یی حقیقت حالدده تدعیش ایتک مزیت و مقصدی متضمن میدر ؟ میدان ثبوت کتورمیلیدر . والسلام

— تنقیدی —

بعض درلو تهدید وارد درکه ، اسایش عامه یه درجه تأثیری بوماده ده بیان ایدیلن تهدیدلردن آز اولدینی حالد بوماده نک دائره شموله کیره مز . مثلاً برکسه دیگر برینی مفاهاً قتل جرح و ضرب ایله مجرد اوله رق تهدید ایله اشبو حرکتی بوماده یه تماس ایلز . چونکه برنجی فقره هم مرکب همده تحریری و بالواسطه تهدیده دائر در . ایکنجی فقرده تهدید مجرد در اما تحریری و بالواسطه در ، زیرا بونده برنجی فقره نک بالکنز — آچه و یا بعض اشیا و یا سائر مطالبی حاوی — دیه تکلیفه متدائر اولان قسمی استثنای ایدلش اولسنه کوره مذکور برنجی فقره نک موضوع بحث اولان تهدیدک تحریری و بالواسطه اولسنه دائر اولان قسمی ابقا و ضمناً شرط ایدلش اولور . اوچنجی فقرده دخی تهدیددر یا مرکب یا تحریری و بالواسطه در دردنجی فقرده ایسه مرکب در . حالبوکه بزم یوقاریکی مثالزده تهدید هیچ بر مطالب و تکالیفی متضمن اولمادی کبی کاغذ و یا آدم کوندرمک صورتیه ده واقع اولمسیدر .

بونک سببی ، شرحده بیسان اولدینی اوزره ، تهدید بو مثالو احواله مقارن اولمادیجه اثر تهور می در ؟ یوقسه تامل و ملاحظه نتیجه سی میدر ؟ آکلاشیله ماز ، مبهم قالور فنکرندن عبارت ایسه ده چوق کره کاغذ دخی تهور ایله یازیله بیله جکی جهته له آنی ده علی الاطلاق تعمده حمل ایتک جائز و مقبول اوله ماز .

بوندن ماعدا چوق كره تصريح اولمديني حالده بيله تهديد بعض كونا مطالب وتكاليقي متضمن اولور . شو حالده اصل مسئله تعمدك ثبوتنده قالور . بناءً عليه ماده نك بو نقصاني اكال ايله على الاطلاق مفاهاً و مجرد مطالب و تكاليفدن عاري اوله رق نعمداً وقوعه كلان تهديدلر ايجون دخي برفقره علاوه ايلك لازمدر . ولو جزاسي تهديد مركب و تحريري دن درجه دون اولسون . بلكه بوكي احوال تحقير صايبيلورده اولوجهله جزالديريلور دنيله چك ، اما بر كره بوكي احوالك جمله سي تحقير اعدادينه كيره من . كيره بيلنلر اولسه ده بونلرك وخامتى تحقيرك قات قات فوقنده اولديغندن بوماده يه آروجه برفقره علاوه سي موافق مصلحت اولور .

۱۹۲ نجى ماده قائمه : وسائط مخصوصه استعمال ايدرك ويا بشقه سندن طرفندن استعمالنه رضا وبره رك اسقاط جنين ايدن قادين آلتى ايدن اوج سنه يه قدر حبس اولور . برخانونك رضاسيله وسائط مخصوصه تهيه ايدرك جنيني اسقاط ايتديرن شخص برسنه دن اوج سنه يه قدر حبسه محكوم اولور .

اكر بواسقاط جنينك نتيجه سي اوله رق ويا سقط ايجون استعمال اولان واسطه دن تلف نفس حصوله كلور ايسه درت سنه دن يدي سنه يه قدر كوركه قونيلور . بر كيمسه جمله مطلع اولديني برخانونك رضاسي اوله رق وسائط مخصوصه استعمال ويا خود ضرب و جرح ويا افعال سائر ايقاع ايله اسقاط جنين وقوعه كتير بر ايسه اوج سنه دن اون سنه يه قدر كوركه حكم ايديلور . اكر بواسقاط جنينك نتيجه سنده ويا سقط ايجون استعمال اولان واسطه دن خاتون تلف اولور ايسه جزا اون بش سنه دن آشاغي اولماق اوزره كوركدر .

بوافعال ايقاع ايدن اشخاص اطباء دن ويا صحيه مأمورلردن ويا قابله كي نظارت حكومت تحتنده اجرائى صنعت ايدن كيمسه لردن بريسي ايسه معين اولان جزا برسدس مقداري تزييد اولور .

— شرح —

قانون بوماده ايله رحم مادرده كي جنيني ده تحت حمايه سنه آلق و بو صورته نسلك بقاسنه خدمت ايتك ايسنه مشدر .

بوماده تدقيق اولنديغنده كوريلور كه ۱ - قادينك رضاسيله وجود وفقداننه ۲ - سقطك ويا استعمال اولان وسائطك تلف نفسى منتيج اولوب اولماسنه ۳ - فاعلك صفته يعنى اطبا قابله و مأمورين صحيه مقوله سندن بولنوب بولنماسنه كوره درجات مختلفه ده جزا تعيين اولمشدر . شويكه قادينك - خصوصيت حالى نظر اعتباره آله رق - حقنده مساعده كارانه ظاورانمش ، اشخاص سائر يه نسبتاً جزاسنى خفيفجه ترتيب ايتمشدر و شريك تهمنه يعنى قادينك رضاسيله اسقاط ايجون وسائط مخصوصه استعمال ايدن كيمسه يه براز شدتليجه بولمشدر . شويكه مبدئي قادينده آلتى و شريك جرمنده بر سنه اولق اوزره هرايكيسنه ده نهايت اوج سنه حبس جزاسي تعيين ايلش يعنى فاعلك رضاء اولان نوعى جنجه عد ايتمشدر . بواسقاط جنين جرمك اسباب مشدده دن عاري اولان الكيسيط شكلى در . آنجق اسقاط ويا (سقط وقوعولمديني حالده) استعمال

اولان وسائط قادينك تلفى موجب اولمش ايسه رضاء وقوعولمش اولسنه رغماً شريك جرمي درت سنه دن يدي سنه يه قدر كورك جزاسيله جزالديريلور . بوراده حصوله كلان نتيجه و خيمه جنجه نك جنائيه تحويلنه و جزانك تشديدينه سبب اتخاذا اولمشدر .

جرم اكر بوجه مشروح قادينك رضا و موافقتيله دكلده الا آنك رضاسي خلافتنده اجرا اولمش ايسه اصلاً جنائيت عد اوله رق اوج سنه دن اون سنه يه قدر و سقطك ويا خود - سقط وقوعولماش ايسه - استعمال ايدن وسائطك تأثيريله قادين تلف اولديني تقديرده بو حال سبب شدت عد اوله رق اون بش سنه دن اقل اولماق اوزره كورك جزاسي معين اولمشدر كه من غير تعمد قصداً قتل جزاسنه مبدأ معادل در .

بو افوالى ايقاع ايدن اشخاص اطباي صحيه مأموري و قابله مقوله سندن ايسه على الدرجات معين اولان جزانك برسدسي تزييد اولمشدر . زيرا بونلر حسب المسلك حيات وصحتك محافظه سنه خدمتله مكلف اولدقلى حالده ضدينه اوله رق افلاي حيايه چالشمش ، ياردم ايلش بولنلري سبب شدت عد اولمشدر كه نه قدر محق اولديني بياندن مستغنى در ، اصابتى مسلمدر .

قالديكه بوماده ده اك زياده خاطرده طوته جق شى شودر كه در دنجي فقره ده بيان اولنان ضرب ، جرح و افعال مؤثره سائر نك سقط مهورى مقصود ايقاع ايدلش اولسى شرط اولاديقي قضيه سي در . ضارب و جارحك مقصدي سقط اولمديني حالده دخي ينه اوج سنه دن اون سنه يه قدر كوركه قونيلور . شو قدر واركه قادينك حامل اولديني ظاهر حالك دلالتى ويا خود بشقه بر طريق ايله ضارب و جارحك معلومى اولق شرطدر . چونكه او حالده ضارب و جارح ملحوظ اولان نتيجه مضره دن احتراز ايدنه بيلور كن ايتامش و بناءً عليه نتيجه نك مسؤليتى در عهده ايتش صايبيلور . اما حمل ضارب و جارحك معلومى اولمزه عادياً ضارب و جارح كي مجازات اولور . حلك مظنون ويا متهمك معلومى اولوب اولماسنده اختلاف ظهور ايدرسه سوز مظنون و متهمك اولوب عكسى يعنى معلومى اولديني اثبات اولمق لازمدر . قادينك ظاهر حالى كي قرائن و امارات ايله برابر سائر هردلو وسائط ثبوتيه قانونيه ايله بو نقطه اثبات اولنه بيلور .

— تنقيذ —

بعضاً اسقاط جنينك ، محضا كندى عائله لرينى بر حجات عظيمه يه كرفتار اولمق دن حيانة قادينك اصول وفروع ويا اخوان و اخواتى طرفندن ايقاع اولمسي احتمالى واردر . بواقاربك جرمي استفاده ويا سائر امل و غرض غير مشروع ايله حركت ايدن اجانبك جرمندن خفيفدر . شو حالده بو كيلره مخصوص بر فقره تخفيفيه نك ضم و علاوه سي لازمدر .

۱۹۷ نجى ماده قائمه : هر كيم اون بش ياشنى اكال ايتامش بر چوجفه فعل شنيع اجرا ايلرايسه موقتاً كوركه قونيلور . اشبو فعل جبر و شدت اجراسيله واقع اولورسه كورك جزاسي يدي سنه دن اقل اولماز .

— شرح —

بو ماده ایکی صورتی حاوی در . برنجیسی یا لکنز مبر معنوی ایله ایکنجیسی ایسه بو جبر معنوی به برده مبر مادینک انضمام والحاق ایله ایقاع ایدیلان فعل شنیع حقه در .
اون بش یاشنی اکیال ایتماش اولان کیسه لده قوه تمیزیه نشوونما بولماش خیری شردن ایوجه تفریق ایلمک کفایت ایدم چک مرتبه کاله ایرماش اوله جنی جهته قانون بوسنده بولنانلرده اختیار ورضایی مفعود فرض ایش و بو سببیدن دولایی ولو آنلرک عدم مخالفتی ایله کندولرینه فعل شنیع اجرا ایدنلری موقت کورک ایله جزالندرمشدر ، هر نه قدر مادی بر جبر یوق ایسه ده ، جبر معنوی وارد ، چونکه بوجه مشروح چوجق کنندی حقه در اجرا ایدیلان فعلک نتیجه سنی تقدیردن عاجزدر ، فاعل مختار دکلددر ، و بناء علیه رضایی حکم سزدر .

بو صورتده جرم ایکی جزءدن مرکبدر . بریسی سن صغر دیگرلی فعل بناء علیه چوجفک اون بش یاشنی اکیال ایتماش اولدینی ثابت اولورسه جبر معنوی برطرف اولور . بناء علیه جرم قالماز .

ایکنجی صورت بو جبر معنوی به التحاق ایدن جبر مادی ایله تشکل ایدر . دیمشدرک . یعنی مغدور هم اون بش یاشنی اکیال ایتماش اولور همه حقه در جبر و شدت استعمال اولنور کندوسنی دویمک النی آیاغنی باغلامق تهدید ایتک وسائر کبی . ایسته بو کبی احوالک انضامی سبب شدت عد اولنورق جزانک تزییدی موجب اولور شویله که بو حاله کورک جزاسنک مبدئی یدی سنیه چیقارلمشدر .

اون بش یاشندن آشانی بولنان بر چوجفک معصومیتی ، هوای نفسانیه وهوسات غیر مشروعه به سد چکمک صورتیه دائما وصورت مخصوصه تحت حرمت وصیانتده بولندرمق لازمدر . بو سنده بولنان بریسی حقه در ولو جبر و شدت استعمال اولنورق اجرا ایدیلان فعل حسیات طبعیه و تمایلات خلقیه به قارشی بر عصیان بیوک بر تعرض ، بر کناهددر . یا بو حاله برده جبر و شدت علاوه اولنورسه او وقت هم میل طبعیه به قارشی عصیان همه کندوسنی مدافعه دن عاجز اولان بر بیچاره نیک عجربی ضعفی سوء استعمال جرم لری برلشمش اوله جنی حسیه او فعلاک درجه شناعی ده زیاده آرتجه غنده تردد اولنوماز .

— تنقید —

بزم قانونده ترتیب مجازات خصوصنده اساس اتخاذا ایدیلان اصولدن بریسی دخی - فعلک حصوله کتوردیکی مضرنک آغزلغه کورده جزانک تشدید اولنوسی - قاعده سی در . حالوکه بو ماده ده هر فصلیه بو قاعده نظر اعتباره آلمانمشدر . شویله که بر چوجفک ، حقه در اجرا ایدیلان فعل شنیع اونک بر معلولیت دائمیه گرفتار اولسنی حتی وفاتی ده انتاج ایده یلور . بوکبی احوالده جزانک تشدید اولنوسنه دائر بر فقره

علاوه اولنق لازم کلوددی . موقت کورک جزاسنک حد منتهاسنه قدر حکم اولنومایسی اشیمو مطلوبک حصوله کفایت ایدر کبی خطر بر شی وارد اولور ایسه ده بعض وقت یا لکنز بوقدری کافی اوله ماز . زیرا عادیاً قتله حکم اولنوماق جزا اون بش سنه دن آشانی دکلددر . شو حاله بویله بر فعل شنیع سببیه وقوعه کلان تلف نفس ایله بالهور ایقاع ایدیلان قتل جرم لری مساوی جزا کورمش اولورلرکه بونک موافق مصلحت و عدالت اولمیه جنی پک آشکاردر .

۲۰۱ نجی ماده نیک علاوه سی مقامنه قائم اولان ماده : بر خاتونک بر شخص آخر ایله رضاء اجرا ایدیکی فعل شنیع دن دولایی علینده تعقیبات اجرایی بیلنلنده زوجیت قائم اولدینی حاله و یا خود طلاق وقوعندن درت آئی نهایتنه قدر زوجنک وزوجی اولدینی تقدیرده و لیسنک شکایتنه معلق اولوب شکایت واقعه اوزرینه ارتکاب زنا ایدیکی تحقق ایلین خاتون اوچ آیدن ایکی سنیه قدر حبس ایله مجازات اولنور .

بو فیلده خاتونک شریکی اولان شخص دخی متأهل ایسه اوچ آیدن ایکی سنیه قدر ، غیر متأهل ایسه بر آیدن بر سنیه قدر حبس اولنور . بوندن بشقه کندیسندن بش عثمانلی آلتونندن یوز عثمانلی آلتوننه قدر جزای نقدی آلتور . بو بایده قبوله شایان اوله ییله چک دلائل فعل مذکور اجرا حالده و یا خود بر مسلمانک حرمینده بولنقلندن و یا خود کنندی طرفندن یازاش اولان مکاتب و اورافندن استنباط اولنور .

شوقدرکه کورک قبل الحکم و کورک بعد الحکم زوج ویا ولی دعوان فراغت ایدر و یا خود زوج تکرار زوجیه سنی آلبر ایسه کورک زوج و کورک شریک جرم حقه در حق تعقیب و جزا ساقط اولور و اثنای تحقیقات و محاکمه مشکی وفات ایدر ایسه کتلاک دیگرلری حقه در تعقیبات اجرا ایداز .

زوجیه سی ایله برلکده ساکن اولدینی خانه ده بر خاتون ایله زنا فعل قبیحی اجرا ایتیش اولدینی زوجیه سنک شکایت واقعه سی اوزرینه تحقق ایدن زوج اوچ آیدن ایکی سنیه قدر حبس و بش عثمانلی آلتونندن یوز عثمانلی آلتوننه قدر نقدی اخذیه مجازات اولنور .

— شرح —

بوماده جمعیت بشریه نیک اساس اولان عالمه عالمک رکن اعظمی بولنان عفت و عصمتی ، امنیت و صداقت متقابلینی محافظه مقصدیه وضع ایدلمشدر .

ایلک اول نظر اعتباره اله جق شی ، اشوماده نیک صرف رضاء وقوعبولان فعل شنیع مخصوص اولسی کیفیت در . مبرری فعل شنیع مخصوص قانونده آیری ماده وارد .

بوماده ده جزادن ماعدا برده دعوانک صورت تعقیبه دائر قواعد مخصوصه وضع ایدلمشدرکه اولابو قواعدی ایضاح ایتیمک کمز لازمدر .

بوقواعدک برنجیسی زناده واسنک منحصر آزوج ، وزوج اولدینی حاله ولی طرفندن ویریه چک شکایتنامه به معلق اولمسیدر . شویله که بونلر طرفندن بر شکایتنامه ویرلمک مدعی عمومی رأساً بویله بر دعوائی اقامه و تعقیب ایده من .

شمدی کلم بویه بر شکایت نامه ویرلدیکی حالد آندن نه کبی نتایج تولد ایدر ؟ - نتیجه سی شو اولورکه اودقیقه قدر اقامه سی ممنوع اولان حقوق عمومی دعوائی جریانه باشلار . شویه که مشتکیک برلکده تعقیبه احتیاج مس ایتکسزین مدعی عمومی دعوائی یالکیز باشنه علی العاده تعقیب ایده بیلور . چونکه قانون دعوائک جریانی شکایت نامه اعطاسنه تعلیق ایلش اما مشتکیک تعقیبنی شرط قیلمامشدر . شکایتک عدمی حقوق عمومی نه جریانه بر مانع ایدی ، وجودی ایله اومانع زائل اولور . بناء علیه ممنوع دخی عودت ایدر . وارد خاطر اوله بیلور که قانون دعوائی زوج وولینک اشتکاسنه تعلیق ایلدیکی کبی اثنای محاکمه حتی بعدالحکم انلرک ترک و فراغت و عقوبتی ده تعقیباتک دوامنه وحکمک اجراسنه مانع عدا یتشدر . شو حالد محاکمه نک جریانی ده آنلرک حضور واشتراکنه متوقف اولق و بناء علیه مدعی عمومی کندی باشنه مستقلاً دعوائی تعقیب ایده مامک لازم کلور . - فی الواقع قانون مشتکیکیه ترک دعوی ایله تعقیباتی منع ایتک صلاحیتی بخش ایتشدر . فقط بوندن مشتکیک بووجهله حقوق عمومی مأموری مأموریتک مقامنه قائم اولدینی نتیجه سی چیقماز . فی الواقع مدعی عمومی قبل الشکایه و بعد الفراغه دعوائی تعقیب ایده منزه اما بو ایکی معامله ماییننده صلاحیت نامه یی حازدر و کیف مایشا حرکت ایده بیلور . اوت صلاحیتی تعقیب ایدلشدر فقط بو قانونک تعیین ایلش اولدینی حدود داخلنده بن اوصلاحیت باقی دره ارتباط واتحاد عالمیه خادم اولور ملاحظه سیله زوج ویا ولی به ایکی نوع امتیاز بخش اولمشدر . فقط بو امتیازک قانوناً معین اولان حدودی تجاوز ایده جک مرتبه ده توسیعی حازر دکلدرد . زنا حد ذاتنده بر جرم اجتماعی در . قانون بو جرمه جزا ترتیب ایدیورسه ، زوجک ویا ولینک انتقامی الحق مقصدیله دکل اوله هیئت اجتماعی نه اساسی اولان ازدواجی حمایه ایتک نیثیله مجازات تعیین ایتشدر . آنجق جزایی ایجاب ایتدیرن منفعت عمومی مقابله برده منفعت اولاد عیال واردر که بو منفعتی هپسندن زیاده تقدیر ایده بیه جک اولان زوج ویا ولی در . ایشته قانون محضا عالمه نک آسایش وانتظامی واشخاصک ناموس وحیثیتی وقایه مقصدیله زوج وولینک سکوتی مدتنده یعنی اشتکاسندن اول ترک و فراغتن صکره مدعی عمومی نه مداخله سی مناسب کور مامشدر . فقط آنجق بوقدر . بومطالعاندن دخی نتایج آتیله تولد ایدر : ۱ - شکوا شرط ایسه ده دعوائی شخصی اقامه سی شرط دکلدرد . زیرا قانون یالکیز شکایت لفظیله اکتفا ایدوب مشتکیک دعوایه اشتراکنی ویا مدعی شخصی صفتی اکتساب ایلسنه دائر برشی سولامشدر . ۲ - بعدالحکم زوج ویا ولینک استینافی مجازات خصوصنده حائز تاثیر دکلدرد . یعنی بدایه ویریلان تربیه ویا عدم مسئولیت قرارینی اخلال ایده میه جکی کبی مجازات محکومه نک تشدیدینده بونک استینافی وسیله اوله ماز . زیرا مدعی عمومی نه عدم استینافیله اقامه سی منحصر آکندوسنه عا ئد اولان حقوق عمومی نه رویتنه محل قالماز زوجک یا ولینک حتی یالکیز اشتکا و فراغته منحصر اولدینندن مدعی عمومی نه عدم استینافیله ساقط اولان بردعوائک احیاسنه سبب اوله ماز ، زوج ویا ولی به بویه بر صلاحیت ویرلمی روح قانونه دخی مخالف دوشر . چونکه بوجه مشروح کندیلرینه ویریلان بوصلاحیت مربوطیت

ووحده عالمیه محافظه مقصدینه مبتنی در ، بوصلاحیت عکس مقصدیه یعنی نفاق وشقاقک ادامه سنه وسیله اولسه بیه قانونک کندولرینه ویردیکی صلاحیت اوقدر واسع دکلدرد . ۳ - زوج ویا ولینک استینافی حالنده دخی مدعی عمومی تشدید جزا طلبیله استیناف ایده بیلور . زیرا آنلرک عدم استینافی فراغت حکمنده دکلدرد . برکره آنلر حکومت مراجعت ایلش اولدیلرندن کندولرینه قانونک ویرمش اولدینی حق تعطیلی استعمال ایدنجه به قدر دعوی جریان ایدر کیدر .

شکایتک بر نتیجه سی ده شودر که ویرلمیله برابر شریک جرم حقننده دخی تعقیباتک جریانی موجب اولور . ولو بونک حقننده شکایت نامه ده دعوی ایدیلوب قادینه حصر ایدلش اولسه بیه . قادین کبی شریک جرم دخی بلا شکایت تعقیب اولنه ماز فقط یالکیز قادین حقننده ویریلان شکایت نامه شریک جرمه ده سرایت ایدر ، چونکه مدعی عمومی هر هانکی بر جرمک اولورسه اولسون تعقیبه مبادرت ایتدیمی ایدی او جرمک کافه فاعلرینه تعقیباتی تشمیل ایده بیلور ، وچوق کره بویه ایتک مجبوردر .

کل کلم بالعکس عجباً زوج یالکیز شریک جرم علیهنده اشتکا ایله زوجهنه سکوت عنها براقه بیلورمی ؟ خیر براقه ماز ، چونکه شریک جرمک دعوائی ایله قادینک دعوائی قابل تجزی دکلدرد . یکدیگرندن تفریق اولنه ماز . شریک جرمک محکومیتی قادینک ده - ولو دعوا ده داخل اولماسه بیه - معناً محکومیتی موجب اولور . بوندن ماعدا یا جرم واقعدر یا دکلدرد ، اگر واقع ایسه تعقیباتی تفریق ایتک قابل دکلدرد ، فاعلرک کافه سی حقننده برلکده جریان ایلشی ضروری در . یوق جرم واقع دکلسه اوراسی بشقه ذاتاً میدانده دعوی قالماز .

شمدی کلم تعقیبات و مجازاتک سقوطی جهته : ماد نک اوچنجی فقره سی مطالعه اولندقد کوریلور که اوچ سبیدن ناشی ۱ - قبل الحکم فراغت ۲ - بعدالحکم قبول زوج ۳ - اثنای محاکمه وفات مشتکی ایله تعقیب و جزا ساقط اولور .

ترک و فراغت دخی طبقی اشتکا کبی شریک جرمه ده سرایت ایدر . چونکه فراغت دعوی فعلک عدم وقوعنه و بالتیجه مجرمک ده عدم وجودینه برقرینه حکمنده در . قادین ایچون دخی بشقه هر برمظنون و متهم کبی - قبل المحکومیه برائت اصلدر . و مادامک قادین ایله شریک مظنونی هم حال درلر و کندولرینه عطف اولنان جرم قابل تجزی دکلدرد ارککک ده او فراغتن استفاده ایلشی طبیی در .

مشتکیک اثنای تحقیقات و محاکمده وفاتی دخی ترک و فراغت حکمنده در . بناء علیه ترک و فراغت حقننده یوقاریده در میان ایدیلان اسباب بونلر حقننده دخی وارددر . زیرا برحیات اولسی تقدیرنده زوجک ویا ولینک ترک و فراغت ایده جکی احتمالی موجود اولوب بواحتمالک ایسه مظنون لهنه صرف واستعمالی ایسه لایددر . اما بعدالحکم وفات معتبر دکلدرد جزانک سقوطنی موجب اولماز ، زیرا لاحق اولان حکم عفو احتمالی رفع ایتشدر .

اوجنچی سبب یعنی زوجک تکرار زوجہ سی آلمی (بوصرف بعدالطلاق استسکاح دیمک اولیوب قبل الطلاق بعدالتفریق بارشقی معناسه دخی کلور) دخی قبل الحکم ترک و فراغت حکمنده در . بناء علیه کذلک بوراده دخی ترک و فراغتہ دائر کوستریلان اسباب تمامیلہ وارددر . یالکنز بعدالحکم زوجک تکرار زوجہ سی آلمی ایله جزانک سقوطی ایچون علل و اسباب مسروده موافق دکل ایسه ده بونک اساسی ده محضا عائلہ نک منفعتی نقطه نظرندن زوجہ بخش ایدیلان برمساعده در . شریک جرمک بوحالده بیله استفادہ سنک سببی ایسه عین جرمندن دولای فاعل مشترکاردن بریسنک مجازاتنه و دیگرینک معافیتنه کیدلمی عدالتہ غیرقابل تألیف کورلمش اولمی کرکدر .

بوماده نک اصول محاکمہ یه تعلق ایدر فقراتنک ایضاحاتنه ختام ویرمزدن اولشوراسنی ده عرض ایدمکله زوجک حق دعواسی طلاق ایله مشروط دکادر . قادین ایله بینلرنده زوجیتک قیام و بقای دعویاه مانع دکادر . آنجیق طلاق وقوعبولور ایسه تاریخ طلاقدن اعتباراً درت ماه ظرفنده دعوی اولنق شرطدر . یوقسه دعوی مرور زمانه اوغرار . بوقدر مدتک مروری رضای ضمنی به دلیل عد اولنیدن آندن صکره دعوانک استماعی منع ایدلمشدر .

اشتکاء ترک دعوی وسقوط جزا و حکمه دائر بوقدر ایضاحاتله بالا کتفا مجازات جهتنه نقل کلام ایدم . کرک ارتکاب فعل زنا ایدن خاتون و کرک شریکی ایچون اوچ آیدن ایکی سنه یه قدر حبس جزاسی تعیین اولنمشدر . آنجیق خاتونک شریک جرمی متأهل اولدینی تقدیرده برآیدن برسنه یه قدر حبس اولنور دیه بکارلق سبب تخفیف عد ایدلمشدر .

ماده نک ال صول فقره سی ده ارتکاب زنا ایدن زوجک مجازاتی حقنددر . بوقدریه کوره بویله برزوج دخی زوجہ سنک شکایتی اوزرینه کذلک اوچ آیدن ایکی سنه یه قدر حبس اولنحق و کندوسندن ۵-۱۰۰ ایرایه قدر جزای نقدی آله حق ایسه ده بوقدری زوجہ سیله برلکده ساکن اولدینی خانه ده اجرا ایش اولمی شرطدر . دیمک اولورکه خارجه اجرا ایدیلان فعله شمولی یوق و زوجہ سنک او بولده اشتکاسی حکمسزدر . بوندن ماعدا قوجه یه ویریلان حق فراغت و عفو زوجہ یه ویرلماشدر . بناء علیه بعدالاشتکاء قادینک فراغتی دخی فائده مسزدر .

حلب مبعوثی

آرتین

اعلان

نیقولاک افندی شاهین اوغلنک اقامتکاهی مجهول کرقرور افندی ولدملیک ذمتنده کی محکومیه مطلوبنک تأمین استیفاسی ضمتنده مدیون مرقومک والده سندن انتقالاً متصرف اولوب تحت حجزه آلنان قاضی قریه سنده حضر اغا محله نده بهاریه سوقاغنده زمینی سلطان سلیم خان قدیم وقفنه مقاطعه لو ۹ نومرولی بشیوز قرق سکیز زراع آلتی پارمق برقطعه عرصه نک اون ایکی حصه اعتباریلہ درت بیچ حصه سی لدی المزیاده بیک غروش و ۳۳ نومرولی درت یوز یکرمی اوچ زراع عرصه نک ینه اعتبار مذکور ایله درت بیچ حصه سی بشیوز غروش و ۲۱ نومرولی آلتیوز اوتوز زراع عرصه نک درت بیچ حصه سی سکیز یوز غروش و ۳۱ نومرولی ایک یوز بش زراع عرصه نک دخی آلتیوز غروش آلتون آچہ بدللر ایله داین مومی الیه عهده سنده تقرر ایدرک قرار داده موقتی کشیده قلنمش اولدینندن تاریخ اعلاندن اعتباراً اوتوز برکون ظرفنده بوزده بش ضمیله طالب اولانلرک یوزده اون بشنده کی پی و دیوزیت آچہ لرینی استصحاباً بک اوغلی اجرا دائره سته مراجعت ایللری و اوتوز برنجی یعنی شهر کانون تائینک دردنجی صالی کونی ساعت آلتی راده لرنده مذکور عرصه لر پیشکاهنده مأموری مواجهه سنده حاضر بولنلری دائره مذکورده دن اعلان اولنور .

* *

ابدنچکک نجیدیه قریه سندن جنت خان خانونک قریه مذکورده دن چرکس تاناق ذمتنده محکوم به معلوم المقدار الاجعتک تأمین استیفاسی ضمتنده مدیون مرقومک مقدما تحت حجزه آلنان قریه ده معلوم الحدود برباب خانه سیله مع عرصه سی بالمزیاده ایک یوز غروشده طالبی عهده سنده تقرر ایدرک قراردادہ سی کشیده ایدلایکندن تاریخ اعلاندن اعتباراً اوتوز برکون صکره احاطه قطعیه سی اجرا قلنمق اوزره بوزده بش ضمه زیاده یه طالب اولانلرک اردک اجرا دائره سته مراجعت ایللری اعلان اولنور .

* *

یوحیفا کی افندی سنک متوفی یورکی قانقونا ذمتنده محکوم به آله جغتک تأمین استیفاسی چون تحت حجزه النوب فروختی مقرر بولنان بوغاز ایچنده بیسوک درده دره ایچنده لامبرینوس سوقاغنده ۸۵ مکرر ۸۵ نومرولی حرمن ملک حراب باغ یریلہ برباب حراب اخور و براوطه لی برباب خانه ده اون حصه اعتباریلہ متصرف اولدینی ایکی حصه سیله مدیون مرقومک متوفی پدری مخالیدن انتقالاً متصرف اولدینی محل مذکورده الما طانغی سوقاغنده کائن حرمن ملک سکیز نومرولی و اوچ اوطلی و برمطبخ و قیو و برمقدار بغچه پی محتوی اخشاب برباب خانه ده کذلک متصرف اولدینی اون حصه اعتباریلہ ایکی حصه سی لدی المزیاده ایکی بیک غروش

التون آتیه بدل ایله طالبی عهده سنده تقرر ایدرک موقه قرار داده سی کشیده قلنش اولغله تاریخ اعلاندن اعتباراً اوتوز برکون ظرفنده یوزده بش ضمیله طالب اولنلرک یوزده اون نسبتده کی پی آتیه لری استصحاباً دائرة اجرایه مراجعت ایتلری ومدت مذ کوره نك خنامه مصادف کله جك کانون ثانینک برنجی بازار کونی الاتورقه ساعت الی راده لرنده مذکور خانه پیشگاهنه عزیمت ایده جك اولان مأموری مواجهه سنده حاضر بولملری اعلان اولنور.

قلعه سلطانیه ده مقیم بانکر ملتیدی قارقالینک غیوبت ایدن قلعه سلطانیه نك روم محله سندن وتبعه یونانیه دن یلونا رخو قطرا مادی ووالده سی آینه و همشیره سی قالیوپی ذمتلرنده آلاجنی اولان بیک یدییوز اون غروشه مصارف محاکمه وسائرته نك تحصیلی حقنده قلعه سلطانیه تجارت محکمه سندن ۲۴ مارت سنه ۳۲۷ تاریخ وبر نومرولی اعلامک اجرایی داین مومی می الیه طرفندن طلب واستدا ایدلش ومدیون مرقومونک الان محل اقامتی مجهول بولنش اولدیغندن اجرا قانوننک یکرمی طقوزنجی ماده سنده محرر اولدینی اوزره طقسان بر کون ظرفنده اثبات وجود ایتلری ومدت مذ کوره ظرفنده اثبات وجود ایتدکری صورتده حکم اعلامک اجراسنه تشبث اولنه جنی قلعه سلطانیه اجرا دائره سندن اعلان اولنور.

قلعه سلطانیه ده مقیم بانکر ملتیدی قارقالینک قلعه سلطانیه ده مقیم میخانه جی پاده لی زردالودینک خسته خانه جاده سنده متصرف اولدینی محجوز معلوم الحدود بر باب مغازه سی تاریخ اعلاندن اعتباراً اون بش کون صکره بالمزایده فروخت اولنه جنی قلعه سلطانیه اجرا دائره سندن اعلان اولنور.

اینه بولی جامع کبیر محله سندن کراسته جیلک تجارتیه مشغول حاجی زاده محمد علی افندی نك ۱۵ تشرین ثانی سنه ۳۲۷ تاریخندن اعتباراً موقتاً اعلان افلاسه و مصالح افلاسه نك تسویه ورؤتی ضمننده اعضادن ابراهیم افندی نك ژوژر میسر وباش کاتب احمد مدی افندیله تجارتدن دانیل افندی غوناریدی نك موقت سندیک تعینلرینه واموال غیر منقوله سیله اشیا ی زائده بیتیه نك تمهیرینه واوراق ودفاترینک جلبنه واشبو حکمک موقتاً اجراسنه اینه بولی قضایی بدایت محکمه سی تجارت قسمندن قرار ویرلش اولدیغندن قانون تجارتک یوزیمشجی ماده سی موجبجه دائمی سندیکلر انتخابی ایچون اصحاب مطلوبک شهر کانون اولک اون بشنجی پنجشنبه کونی ساعت بشده محکمه نك مصالح افلاسه نك رؤیتیه مخصوص او طه سنه کللری اعلان اولنور.

باندرمه قضاسنه تابع مانیاسی ناحیه نك ماندر قریه سندن دیمتری اوغلی نابدینک باندرمه بدایت محکمه سی تجارت قسمندن اعطا قلنان بر قطعه اعلام موجبجه باندرمه لی میخانه جی لیغور ولد طودوری به محکوم اولدینی

درت بیک غروشه بشیوزا چ غروش مصارف محاکمه نك تأمین استیفاسی ضمننده مدیون مرقوم نابدینک یاسند خاقانی متصرف اولدینی ماندر قریه سی جوارنده انبار ترلا دیمکله معروف بر قطعه ده طرفلری شرقاً دیمو غرباً صوستو شمالاً لاز اوغلی نیقولاً جنوباً پترو ایله محدود تحمیناً اون درت دونم ترلا سی تاریخ اعلاندن اعتباراً اون بش کون صکره بالمزایده فروخت اولنه جغندن طالب اولانلرک باندرمه اجرا دائره سنه مراجعت ایتلری اعلان اولنور.

اوجیوز یکرمی درت سنه سی اعشار ماترملرندن پوسته جی زاده حافظ احمد افندی نك بدل التزامدن دیونی اولان بالغک تأمین استیفاسی ضمننده ملتزم مومی الیهک تحت حجزه آلمان اموال غیر منقوله لرندن معلوم الحدود کونیک چارشوسنده بر قطعه ده ایکی یوز زراع دکان و خان آق سنده خان مع بغچه اون الی ده یدى حده اعتباریه بر قطعه ده اوجیوز آلتش زراع ویشلی یکیدنده ترلا بر قطعه ده سکزدونم الاحصارده طوت بغچه سی بر قطعه ده درت دونم مجموعی اجرا قلنان مزایده نتیجه سنده حزینه وکلی عده سنده تقرر ایدرک موقت قراردادلری کشیده قلنش اولدیغندن تاریخ اعلاندن اوتوز برکون صکره قرار قطعیه کشیده قلنه جغندن یوزده بش ضمله طالب اولانلرک ودها معلومات آلق ایستیانلرک کونیک اجرا دائره سنه مراجعت ایتلری اعلان اولنور.

اعشار ماترملرندن اولوب خزینه مالیه دینلری تسویه ایتدکلرندن طولایی محجوز اموال غیر منقوله لرینک فروختی تقرر ایدن قرتالده حاجی مؤذن زاده واصف افندی نك مع بانچه خانه سیله قرتال چارشوسنده فوقانی او طه تحنده قهوه خانه نك نصفی وپیا سه جاده سنده بر باب مغازه لری وینه قصبه مذ کورده رشید بکک میدان زقاغنده ایکی باب خانه سی وینه بقال کبیر قریه لی دکرمنجی خریستونک یقه جق یولنده سکسان نومرولی دکرمن پاشا قریه سندن حاجی طودورینک قریه مذ کورده بر باب دکانیه قهوه خانه سیله وبقال کبیر قریه لی مراتلی اوغلی نیقولینک بقال کبیرده معلوم الحدود درت قطعه باغی تاریخ اعلاندن اعتباراً اون بش کون صکره بالمزایده فروخت اولنه جنی اعلان اولنور.

اوجیوز یکرمی درت سنه سی اعشار ماترملرندن کونیکک یکیکجه محله سندن زعفرانبوللی طوغانجی محمداک اعشار تقاسیطنه اولان بورچنک تأمین استیفاسی ضمننده ملتزم مرقومک کفیللری چیق قریه سندن قوجه حسین اوغلی عارف وحاجی یعقوب اوغلی احمد وایچه حسین حفیدی عثمانک دائرة اجراجه حدود وموقعی معلوم اولان کفلا ی مرقوموندن عارفک یکرمی درت دونم ایکی اولک واحمدک الی دونم ایکی اولک و عثمانک آلتش یدى دونم ایکی اولک ترلاری بالمزایده حزینه وکلی عده سنده تقرر ایدرک موقت قراردادلری

کشیده قلنمش ارلدیغندن تاریخ اعلاندن اوتوز برکون صکره قرار قطعیدی کشیده قلنجهغندن یوزده بش
ضمه طالب اولانلرک ودها معلومات آلق استیانلرک کونیک اجرا داترهنه مراجعت ایللری اعلان اولنور .

* *

آلمانیا دولتی تبعه سندن آلمانیا ده مقیم زلوط ما کنه وانشآت عمومیه سنک وکیلی محمد ضیاء الدین افندینک
سلطان احمدده فیروز آغا محله سنده ۱۲ نومرولی خانه ده مقیمه ایکن الیوم اقامتگاهلری مجهول بولان نوریه
ولطفیه خانملره ینلرنده دردت رؤیت بولان استیناف دعواسی اشبو اوج یوز یکریمی یدی سنه سی شباطنک
برنجی چهارشنبه کونی رؤیت ایدیه جکندن مومی الیهما نوریه ولطفیه خانملر یوم مذکورده زوالی ساعت برده
محکمه مزبورده حاضر بولملری ویا طرفلرندن مصدق سند ایله بروکیل کونه رملری لازم کله جکی و شاید
کلزلر ویا وکیل دنخی کوند رملر ایسه مومی الیه آلمانیا وکیلک و قوعوبله جق طلبی اوزرینه معامله غیاییه
اجرا قلنجه جنی معلوم اولق اوزره اولباده تنظیم قلنان دعوتیه ورقه لری اصول محاکمه تجارت نظامنامه سنک
یکرمنجی ماده سنک دردنجی فقره سنه توفیقاً علی الاصول محکمه نک دیو انخانه سنه تعلیق قلندنی کی اوراق حوادث
واسطه سیله دنخی اعلان اولنور .

* *

بوغاز ایچنده قوری چشمه ده قرق بش نومرولی خانه ده ساکن طلعت بک جانبدن ۲۵ تشرین اول سنه ۳۲۷
تاریخنده بک اوغلی بدایت محکمه سی برنجی حقوق داترهنه اعطا قلنان عرض حالده روم ایلی حصارنده طوغری
جاده ده ساکن شمع دانجی علی بک زاده علی بک ذمتنده مطلوبی اولان سکز یوز طقوز غروثک مع مصارف
محاکمه تحصیل اولمقدنشاشی ترقیم قلنان دعوتنامه زیرینه میر مومی الیهک برقاچ ماه اقدم قوالده برادری
عارف بکک نزدینه کیتدیکی محله مذکورده امامی افندی طرفندن ویریلان شرحدن آکلاشلنسنه بناءً اعلاناً
تبلیغات اجرایی طاب واقع اوزرینه بالذنب یوم محاکمه کله جک کانون نایک اون برنجی چهارشنبه کونی
ساعت الافرانغه ایکی به قرارلشدیریلوب اولباده تسطیر و املا قلنان دعوتیه ورقه سی دنخی محکمه دیوانخانه سنه
تعلیق ایدلیکندن میر مومی الیهک یوم وقت مزبورده محکمه مذکورده حاضر بولنسی ویا خود مصدق سندله
بر وکیل کوند رملی لازم کله جکی و عکس تقدیرده اصول محاکمه حقوقیه قانوننک یکرمی آلتنجی ماده سنک
فقره اخیره سی منظوقجه مدعیک طلبیه دعوی مذکورده نک غیاباً رؤیت وفصل اولنه جنی بیانیله اعلان
کیفیه ابتدار قلندی .

* *

میخالا کی فراچی و شرکاسنک دانیل ولد یوان ذمتنده بااعلام تجارت آلاجنی اولان مبالغت تسویه سی
ضمننده مدیون مرقومک حجز اولوب فروختی مقرر بولان قوم قبوده کورجکی باشی سلیمان آغا محله سنده
دوز اوغلی زوقاغنده اون نومرولی یکرمی دردت بچق آرشون اوزرینه مبنی بر او طه بر آراق و آشاغیده

برکورلک و برمقدار آراق و بر صغیر مطبخ و مشتملات سائره یی حاوی کارگیر بر باب خانه ایله محل مذکورده
اون ایکی نومرولی التمش درت زراع اوزرینه مبنی کارگیر اوج قانده درت او طه بر صوفه و بر کورلک
و مطبخ و مشتملات سائره کارگیر خانه لرده ثلث حصه لری بوندن اقدم موقع مزایده به قونوله رق عثمانلی
ایراسی یوز غروش حسابیه ایکی بیک بشیوز غروشه طالبی عهده سنده قلنش اولمغله تاریخ اعلاندن اعتباراً
اوتوز برکون صکره یعنی کله جک شهر کانون اولک اوتوز برنجی جمعه ایرتسی کونی املاک مذکورده پیشگاهنده
زوالی ساعت ایکی بچغه و کانون ثانی رومینک ایکنجی بازار ایرتسی کونی ساعت کذا ساعت ایکی بچغه قدر
قرار قطعیلری اجرا ایدیه جکندن اشتراسنه طالب اولانلرک ودها زیاده معلومات آلق ایستیانلرک بدل مزایده نک
عشرینه مساوی پی آچمه لریله برابر در سعادت تجارت اجرا داترهنه مراجعت ایللری داترهنه مذکورده دن
اعلان اولنور .

* *

ایدنچک حصار محله سندن نعلبند احمد اوسته زوجیه سی حدیجه نک ناحیه مذکورک یکیکجه محله سندن
حاجی خلیل اوغلی ! اهییم ذمتنده با اعلام محکوم به آلاجنک تأمین استیفاسی امرنده مدیون مرقومک
محجو بولان باقیس موقعنده معلوم الحدود بر بچق دونم مقداری باغ و زیتونلکسنک تاریخ اعلاندن اعتباراً
اون بش کون صکره موقع مزایده به وضع اولنه جغندن طالب اولانلرک اردک اجرا داترهنه مراجعت
ایللری لزومی اعلان اولنور .

* *

اردکن بقال صوتیر قپانیا اوغلی پترو نک کیله جی پناوت ذمتنده با اعلام محکوم به معلوم المقدار مطلوبنک
تأمین استیفاسی ضمننده مدیون مرقومک بلقیس موقعنده معلوم الحدود بر قطعه باغ و آیانانا موقعنده بر قطعه
طوتلق مع زیتونلکی تاریخ اعلاندن اعتباراً اون بش کون صکره بلمزایده فروخته تشبث اولنه جغندن طالب
اولانلرک اردک اجرا داترهنه مراجعت ایللری لزومی اعلان اولنور .

* *

یکی کویده ساکن متوفی نجم الدین بکک مخدوملرینک وصیسی ووالده سنک باحجت شرعیه وکیلی کریدی
زاده نجم الدین بکک بشکطاشده نشان طاشنده تشویقیه محله سنده مقیم ایکن الیوم زده اولدینی مجهول بولان
حدیده متصرف اسبقی جمیل پاشادن سکز یوز ایراسی اوزرینه موضوع حجزک دین مذکورده مساوی مقدارینک
فکنه داتر استحصا لیش اولدینی ۲ تشرین ثانی اوج یوز یکرمی یدی تاریخ و سکز یوز طقسا ن یدی
نومرولی اعلام غیابینک محکوم علیک اقامتگاهلری معلوم اولماسندن طولانی اصول محاکمه حقوقیه قانوننک
یوز قرق طقوزنجی ماده سی موجبجه بر قطعه صورتی محله سی مختارینه تسلیم اولنق اوزره ارسال ایدلیکی
کی دیگر نسخیه ده محکمه دیوانخانه سنه تعلیق قلنمش اولدیغندن کیفیت معلومی اولق اوزره غزته ایلده
اعلان اولنور .

حسن حسنى پاشا زاده مصطفى ثريا بكك مکتب صنایع مدیر معاون اسبقى متوفى على بك ذمتده کی محکوم به مطلوبه مقابل وفاء مفروغ اولان ارکیده زونغولداقده کائن احسانیه و مراد نام طاش کور او جاقلنده یتیم سهم اعتباریه مديون متوفاك متصرف اولدینی اون بش سهم حصه شایعه سنك تاريخ اعلاندن اعتباراً اون بش کون صکره بالمزایده فرخخته تشبث اولنه جغدن طالب اولوب معلومات مفصله آلتی ایستیانلرك بك اوغلى ومحلې بایت محکمه لری اجرا دائرلرینه مراجعت ایللری اعلان اولنور .

مصطفى ثريا بكك صنایع مدیر معاون سابقى متوفى على بك ذمتده کی مطلوبنك تأمین آتیفاسی ضمانتده هکیملى آطهده مناسرت جاده سنده شهزاده سلطان محمد خان وقفندن مقابلعه درتیوز اللى ایکی زراع برقطعه عرصه سی لى المزایده اون آلتی بیک غروش آلتون آتیه بدل ایله طالبی عهده سنده تقرر ایدرك قراردادده موقتى کشیده قلمش اولدیغدن تاريخ اعلاندن اعتباراً اوتوز برکون ظرفنده یوزده بش ضمیله طالب اولوب دهانزایده معلومات آلتی ایستیانلرك یوزده اون نسیته کی پی و دیوزیتو آتیه لری مستصحباً بك اوغلى اجرا دائره سنه مراجعت و اوتوز برنجی کونی یعنی شهر کانون ناینگ اوتنجی صالى کونی ساعت آلتیدن کوزه قدر مذکور عرصه پیشکاهنده مأموری مواجهه سنده حاضر بولنلری اعلان اولنور .

طاشجیان سرکز افندی ورته سنك سامی پاشا زاده متوفى غالب بك ذمتده کی محکوم به مطلوبنك استیفاسی ضمانتده قصیقلى قریا سنده بیوک چاملیجه جاده سنده ارسالان زاده مصطفى افندی وقفندن بدل عشر مقاطعه لی تخمیناً اوز بیک زراع عرصه دروننده برکله ایله آلتش عدد اشجار مشردلی وایکی عدد قیوی محتوی برقطعه محترق خانه عرصه سنده اون ایکی حصه اعتباریه مديون مومى الیهک متصرف اولدینی بر حصه سی لى المزایده اوچبیک غروش ایله طالبی عهده تقرر ایدرك قراردادده موقتى کشیده ایدلمش اولمغه تاريخ اعلاندن اعتباراً اوتوز برکون ظرفنده یوزده بش ضمیله و طالب اولانلرك یوزده اون نسیته کی پی و دیوزیتو آتیه لری مستصحباً بك اوغلى اجرا دائره سنه مراجعت و اوتوز برنجی کوننه مصادف شهر کانون ناینگ اون سکزننجی چهارشنبه کونی دخی وسطی ساعت اون قرارلنده ذکر اولنان عرصه پیشکاهنده مأموری مواجهه سنده حاضر بولنلری دائره مذکورده دن اعلان اولنور .

زبیده خانمك آخور قبه قربنده سراجخانه سوقاغنده کائن خانه سنده ساکن قره مرالى سالم آغااېنه در سعادت بدایت محکمه سی ایکنجی حقوق دائره سنده اقامه ایلدیکی د واک رؤیتى ضمانتده مرقوم سالم اغایه لاجل التبلیغ ارسال تلان دعوتیه ورقه سی ظهرینه محله سی امامی طرفندن یانیلان شرحد مدعی علیه سالم آغانك بر ماهی متجاوز غیوبت ایدرك الیوم اقامتکاهنك مجهول بولندینی بیان وتمهیر ایدلمش ومدعیه

زبیده خانم دخی غزته ایله اعلانی طلب ایلش وامر محاکمه اوچیوز یکرمی یدی سنه سی کانون اولنك اوتوز برنجی جمعه ایرتسی کونی الافرانغه ساعت برده اجراسی قرارلاشدیرلمش اولمغه مرقوم سالم آغانك یوم ووقت معین مذکورده بالذات ویا بالوکاله اثبات وجود ایلمسی عکس تقدیرده خصمنك طایله حقنده معامله غیاییه اجرا قلنه جنی اصول محاکمه حقوقیه قانوننك یکرمی آلتنجی ماده سنك فقره اخیره سی منظوقنجه اعلان اولنور .

